

全

中國史
文獻考
卷之三

文德實錄

自一至三

149

40

9

東京圖書

07

96

9

07

冊


號

架

函

屬

類



東周解

東周解

友校訂

東周解

全十卷

佚存書坊印行

下大間
脱行字

潭一作

重一作

損一作

己一作

亡一作

慮一作

度一作

天闕

本闕字

二年一

作三年

十二月

一作十

由長官近江守臣菅原朝臣是善等與前修史者文章博士從五位下兼行大內記越前權介都朝臣良香從五位下大外記嶋田朝臣良臣等專精寶錄潭思必書良香愁斯文之晚成忘彼命之早殞注記隨手已去忽焉臣等百倍筋力參合精誠銘肌不遑執掌從更起自嘉祥三年三月巳亥訖于天安二年八月乙卯都盧九年勒成十卷春秋繫事鱗次不愆動靜由衷毛舉无失唯細微常語龐小庶幾機令之所撰弃而略焉名曰日本文德天皇實錄取諸雖百世可知也臣等生謝龍門種非虎乳殊恐謬缺文於聖訓忝直筆於明時謹詣天闕奉進以聞謹序


元慶二年十二月十三日

右大臣正二位臣藤原朝臣基經

一本有參議刑部卿正四位下兼行勅解由長官近江守菅原朝臣是善此二行從五位下行大外記臣島田朝臣良臣

此序管贈大相國代基經公為之御文章第七有之云奉家君教所製也見林云

明治十八年七月四日 文部省交付



日本文德天皇實錄卷第一 起嘉祥三年三月盡六月

勅撰

文德天皇諱道康 仁明天皇長子也母藤原氏贈大政大臣正

位冬嗣之女也年十六承和九年八月乙丑立為皇太子嘉祥

三年五月巳亥 仁明皇帝崩於清涼殿于時 皇太子下殿御

皇陽殿東庭倚廬左右大臣率諸卿及少納言左右近衛少將等

獻 天子神金宝劔符節鈴印等須臾駕輦車移 御東宮雅院

陣列之儀一同行幸但無警蹕○庚子定祿葬諸司中納言從三位

源朝臣弘權中納言橘朝臣峯繼參議從四位下伴宿祢善男散

位從四位上源朝臣生彈正大弼從四位下清原真人長田左中

辨清原真人岑成左近衛少將從五位上良岑朝臣宗貞大藏大

輔藤原朝臣貞本大外記外從五位下朝原宿祢良道等六位以

下四人為裝束司中納言從三位源朝臣定大藏卿平朝臣高棟

造一作

命一作

參議從四位上藤原朝臣助散位從四位下正躬王右京大夫從四位上源朝臣寬從四位下水工頭興世朝臣書主散位從五位下文室朝臣笠科勘解由次官山代宿祢氏益等六位已下四人為山作司後追以中納言從三位安倍朝臣安仁散位從五位下藤原朝臣正岑山口朝臣春方等重補山作司前丹波守從四位下滋野朝臣貞雄宮內少輔從五位下橘朝臣伴雄等六位已下三人為養役夫司山城守從四位下茂世王右京亮從五位上橘朝臣枝主等六位一人為治路司中納言從三位源朝臣弘為前次第司長官治部少輔從五位下藤原朝臣松影為次官以六位已下各二人為判官主典參議宮內卿從四位上滋野朝臣貞主為後次第司長官從五位下橘朝臣永範為次官判官主典同前是日遣散位從五位上高階真人清上從五位下藤原朝臣緒數等率諸衛監護左右兵庫命京畿七道舉哀成禮限以三日喪服

下大間一作

刑一作

之期以日易月式部省率百寮於紫宸殿前舉哀公卿及侍臣以下於東宮舉哀○辛丑東宮成服公卿百寮從之○癸卯葬仁明皇帝于深草山陵送終之禮皆從儉約是奉遺詔也○甲辰遣從四位下行民部大輔基兄王外從五位下豐階公安人等存問供御葬之諸大夫先是諸衛著甲以備非常今日脫却各從常儀○乙巳晏駕之後初盈七日仍遣使於近隣七箇寺以修功德右近衛少將兼土佐守從五位下小野朝臣千株及內豎十人為紀伊寺使正四位下大舍人頭兼越前權守高枝王侍從從五位上嶋江王刑部大輔正五位下藤原朝臣行道內舍人一人內豎十人為室皇寺使從四位上加賀守正行王中務大輔從五位上並山王散位從五位下藤原朝臣正岑駿河守丹墀真人真岑為來定寺使從四位下大學頭時宗王從五位下正親王善永王治部少輔藤原朝臣關雄為拜志寺使從三位大藏卿平朝臣高棟散

推一作

造一作
匠連一
作備復
是也

位從四位下世宗王從五位下永直王內舍人一人內豎十人為
深草寺使散位從四位下基棟王從五位下安原王大原真人宗
吉橘朝臣三夏等內舍人一人內豎十人為真木尾寺使散位從
四位下道野王從五位下高原王大判事藤原朝臣本雄加賀
良岑朝臣清風內舍人一人內豎十人為檜尾寺使是日嵯峨山
陵暴風雷雨樹木倒仆遣中納言從三位安陪朝臣安仁就加察
視公卿奏言施事天下猶稱令旨在於視聽有所疑請稟天旨改
令代勅未之許焉 ○丙午左近衛少將從五位上良岑朝臣宗
貞出家為僧宗貞先皇之寵臣也 先皇崩後哀慕無已自歸佛
理以求報恩時人愍焉 ○夏四月己酉公卿上啓曰竊以万物不
能自化資天造以陶鈞億兆不能自治賴元首之司牧一時曠位
則九服所以廼違一日無政則萬機由其擁塞是以姬王統緒戴
冕宅憂之初漢帝乘乾正位徂落之夕通行不滯為方代之冊車

度一作

或曰類
々當作
額々

也即開
一有既
葬二字

曰一作
旨

觀望相依百王之戶牖者也 大行聖帝明齊日月道枯乾坤崇
德叶於笙鏞體政存於俎豆七十二帝彼復何人三五六經求慙
聲教遂攬乃昔以來禮典舊章察其利病之端參於方今之代遺
制云 皇太子可於柩前即 皇帝位一依周漢故事伏惟 殿
下深仁植性純孝因心寢門問豎竭愛敬之誠馳道申虔盡温恭
之禮臣子之道克宣天人之望允集宜肅奉 聖旨屬茲時來居
南面之尊高應北辰之大宝而偏纏罔極之至哀不忍割情以就
禮涉旬踰月以至今日臣等顯々深听未達况乎 先帝已有遺
勅孝善述父志何得拘匹夫之情孝缺万乘之典章謹案春秋例
人君即位有四初喪即位一也 即位二也踰年即位三也三年
諒闇終即位四也 殿下已在初喪而忘制宜追既葬而示儀上
承七廟之靈下定万民之望臣等自負舊恩於丘山思致新主於
堯舜不任愷疑之至謹奉啓以勸進 令曰雖有遺詔既踰旬月

况亦陵土未乾不忍即正不聽從五位下源朝臣愜從五位下橘朝臣信蔭等為侍從從五位下御春朝臣真濱為近江權從五位下清原真人秋雄為但馬左兵衛佐如故從五位下紀朝臣家弟為因幡權從右兵衛佐如故從五位下橘朝臣常蔭為讚岐權從正五位下橘朝臣真直為阿波守從五位下坂上大宿稱貞守為左近衛少將從五位下小野朝臣千株為右近衛少將從五位下源朝臣興為左兵衛權佐從五位上藤原朝臣良仁為右兵衛權佐大宰師三品葛井親王薨親王桓武天皇第十二子也母大納言贈正二位坂上大宿稱田村麻呂之女從四位下春子也親王幼而機警年六歲勅賜帶劔弘仁十年賜爵四品拜兵部大長三年為上野太守承和七年為常陸太守八年進爵三品親王頗善射藝有外家大納言之遺風等 嵯峨天皇御豐樂院以觀射禮畢後勅諸親王及群臣各以次射親王時年十二天

部天開
脫野字

頭南
脫野字

皇戲語親王曰弟雖少弱當執弓矢親王應詔而起再發再中時外祖父田村麻呂亦侍坐驚動嘉躍不能自已即便起座抱親王而舞進曰臣嘗將數十萬之眾征討東夷實賴天威所向無敵自料勇畧兵術多所不究今親王年在齠齔武伎如此愚臣非所能及 天皇大笑曰將兵褒揚外孫何甚過多親王駭聲樂殊翫絲管晚年好酒志在譙樂累日連夜淵醉忘疲喜祥三年為太宰師薨時年五十一朝廷因循舊典遣監喪使等親王有子七餘人是日公卿會議定先皇七七日御齋會司中納言從三位源朝臣弘參議宮内卿從四位上滋野朝臣貞主參議右大辨從四位上藤原朝臣良相從四位下參議式部大輔伴宿稱善男散位從四位上源朝臣生從四位下水工頭興世朝臣書主右少辨從五位上橘朝臣海雄散位從五位下藤原朝臣管雄等六位已下三人為御齋會行事圖書頭五位下橘朝臣高成左衛門佐從五位

藏作

下紀朝臣道藏等六位一人為造佛司左京大夫從四位上正行
 王雅樂頭從五位下藤原朝臣貞敏侍從從五位下橘朝臣信蔭
 等六位已下四人為莊嚴堂司彈正大弼從四位下清原真人長
 田治部大輔從五位上坂上大宿称正野散位從五位上丹墀真
 人門成等六位已下三人為供僧司○庚戌公卿重上啓曰臣等
 先已上啓具陳勸進之誠而 殿下至孝為性不忍割情久曠万
 機經引數月雖云礼制亦有權時請擇吉辰早正其位以順兆人
 之望以因万國之基今日卿等上啓驟諭中誠事緣遺詔義歸權
 奪今不獲已俯依來啓○辛亥為除凶服先遣大中臣氏人於五
 畿内七道諸國以修大祓○壬子遣使於七箇寺二七日御齋會
 每寺公卿大夫并内舍人内豎等一兩人○癸丑地震 帝出除
 百官吉服大袂於朱雀門前有魚席鳥飛鳴於東宮樹間何以書
 之記異也○乙卯大雨諸衛警陣賜陣頭侍從及衛士以上祿

二上
有修
出作
公

言朝
脫源

二下
有亭

手
阜一
作

各有差○戊午 帝自雅院移御中殿勅賜中納言朝臣定帶劔
 先皇賜之今依舊賜之○己未遣使於七箇佛寺修三七日御
 齋會如前日儀○辛酉遣左近衛將曹栗田真持於深草陵列栽
 樹水間以一丈相襲成行○壬戌地震飛驒國講師傳灯滿位僧
 德嚴上奏諸國國分二安居修行為國誓念而此國舊來不修此
 法論之佛理可謂闕如請准諸國每年薰修許之○癸亥遣權中
 納言橘朝臣岑繼告深草山陵以即位之由其策文曰掛畏支
 天皇朝廷 尔恐見恐現申賜久遺 留詔乃随 尔天日嗣 尔仕奉
 倍狀乎公卿等屢勸請天而日月毛近久心神毛哀迷尔依且不
 堪流 狀再比三比懼利辞毛止御命旨止言且固勸強礼已志波尔從
 止不得故是以大御坐處乎拂潔侍且天之日嗣乎戴荷知守供
 奉事乎恐見恐現申賜以奏又申久掛畏支 天皇朝廷乃矜
 賜厚慈蒙戴且天之日嗣乃政者乎久天地日月止共尔守仕

天皇朝廷

六

賜一有按 仰賜下 賜二字 然烈一作 共一作 以正問 一有以 字人一 作心

奉止之思食事乎恐見恐規申賜以奏 甲子 帝即位於大極
殿其日晨且快雨百官以雨日儀從事至日中時天晴策命曰明
神止大八洲國所知 天皇詔旨良方宣勅親王諸王諸臣百官
人等天下公民眾聞食止宣掛畏支平安宮御宇之倭根子
天皇我皇此天日嗣高座之業乎掛畏近江大津乃宮御宇之
天皇乃初賜比定賜留法隨个仕奉止仰賜比大命乎受賜利
恐羨受賜利懼利進母不知尔退母不知尔恐羨坐此宣 天皇
勅眾聞食止宣烈 皇止坐天天下治賜君波賢人乃良佐乎得
之天下波乎平久安久治物尔在止奈聞行須故是以 大命坐宣
久朕雖拙劣親王等初天 王等臣等乃相共比奈奉利相扶奉事
依此乃仰賜比授賜留食國乃天下之政波平久安久仕奉倍
止奈所念行是以正直之人天 天皇朝廷乎眾助仕奉止宣
天皇勅眾聞食止宣辭別宣久凡人子乃蒙福久欲為留事波於

夜乃多米止奈母聞行須故是以朕親母藤原氏乎皇大夫尔
上奉利治奉流又仕奉人等中尔其仕奉狀隨尔冠位上賜比治
賜布又太神宮乎始天諸社乃称宜祝等尔給位一階又僧綱乎
始天諸寺智行有聞流并天下僧尼乃年八十以上尔施物太乃
又左右京五畿内乃乃寡孤獨不能自存者及天下給待留人等
尔給御物布力由之輩乃超眾者尔賜爵二階又諸國言上承和
九年以徃租稅未納者先帝御坐之時尔免給止倍勅支今天
皇我御意止為天去年以徃未納毛復盡免給止波久勅 天皇御
命乎眾聞食止宣授從二位源朝臣常正二位正三位源朝臣信
從二位從三位源朝臣定安倍朝臣安仁等正三位從四位上滋
野朝臣貞主藤原朝臣助藤原朝臣長良小野朝臣篁藤原朝臣
良相等正四位下從四位下伴宿祢善男從四位上死位雄風王
利基王等從四位下從四位上坂上大宿祢淨野正四位下從四

真人一作朝臣

位下清原真人瀧雄從四位上正五位上伴宿祢成益正五位下
 春澄宿祢善繩等從四位下從五位上藤原朝臣良仁正五位上
 從五位上藤原朝臣高房從五位下菅原朝臣是善等正五位下
 從五位下鎌倉王藤原朝臣春岡文室真人助雄良岑朝臣長松
 藤原朝臣關主橘朝臣清蔭佐伯宿祢屋代外從五位下豐階公
 安人等從五位上外從五位下都宿祢貞繼三統宿祢真淨正六
 位上在原朝臣善淵大原真人真室小野朝臣貞樹橘朝臣休蔭
 齋部宿祢伴主安倍朝臣有道從六位上藤原朝臣諸藤等從五
 位下正六位上廣宗宿祢平麻呂榎井朝臣祢嶋長家原宿祢氏
 主等外從五位下○乙丑遣使解諸關警是日宣詔内外云易月
 之制雖擬舊章臣子之道須存心喪宜仰有司暮年之內禁宴飲
 作樂及著美服先是深陵寧堵波所藏陀羅尼自發落地遣參議
 伴宿祢善男就加安置○丙寅遣使於七箇佛寺修四七日御齋

場上祿
 字一為
 行宿祢
 二字一
 作建
 兼慶
 一有華
 字

上一作

雖別開
 一有非
 字

會如前日儀固近江國開使從四位下右中辨藤原朝臣氏宗歸
 奏奉契○戊辰固伊勢國關使右衛門權佐從五位下藤原朝臣
 春岡固美濃國關使散位從五位下藤原朝臣管雄等歸奏奉契
 ○巳巳六衛解嚴皇太夫人移御東五條院警蹕成儀一擬乘輿
 詔遣左右近衛將監番長各一人近衛各九人左右兵衛尉志番
 長各一人兵衛各十九人分陣院下以備宿衛詔佐渡國放還配
 流罪人金判福貴滿○庚午前春宮職印一枚獻于內裏○辛未
 太政官重宣今月十七日 詔旨頒下京畿諸國云今案 詔旨
 去年已往言上租稅未納悉可免除宜命官長分明搜檢見在民
 身即從免除又雖別錄申官所司文簿載未納之由者亦同言上
 之例若後日遣使巡檢國郡司并預事人等徵取訖隱為未進及
 稱不言上之色欺責頑民者必處重科並榜示路頭普令知見但
 地子未納不在免限自餘事修准天長十年例○壬申正五位上

藤原朝臣良仁為中宮亮右兵衛權佐如故○癸酉遣使於七箇
佛寺修五七日御齋會亦如前日儀宣詔山野之禁本為鶉雉至
於草木非有所制如聞所由不熟事意矯峻法禁奪人斧斤捕人
牛馬絕其往還之跡如其樵蕪之業為人之患莫此之甚宜早下
知莫令更然又聞豪貴之家非有官符妄占山野多妨民利如斯
之類並早禁斷其江河池沼之類同亦准此莫致人愁勝示路頭
普令知見○甲戌從五位下三統宿祢真淨為中宮大進○丙子
授正六位下橘朝臣茂房從五位下正六位上佐佐貴山公仲繼
外從五位下詔以上野國聖隆寺為延曆寺別院是月天寒○五
月己卯大風折木拔草記異也遣待從從五位下嶋江王左少辨
從五位下文室朝臣助雄中務少丞正六位上百濟王忠岑內舍
人正六位上八多朝臣湊從八位上清瀧朝臣岑成等向伊勢太
神宮迎齋內親王大板於建禮門前○庚辰修六七日御齋會從

披一作
難下一
作上

田麻間
一有村
字
位五間
一有從
字

政三間
一有三
月二字

五位上坂上大宿祢正野左京亮從五位下飯高朝臣永雄等為
東大寺使散位從五位下百濟王教福源朝臣類等為元興寺使
刑部少輔從五位下藤原朝臣關雄散位源朝臣同等為興福寺
使散位從五位下丹墀真人繩主文室朝臣壘田麻呂等為天安
寺使前越後守從五位下丹墀真人氏永散位大宅朝臣年雄等
為西大寺使散位從五位下高階真人信澄在原朝臣善淵等為法
隆寺使散位從五位上百濟王慶世從五位下橘朝臣三夏等為
藥師寺使○辛巳嵯峨太皇太后崩○壬午葬太皇太后于深谷
山遺令薄葬不啓山陵先是民間訛言云今茲三日不可造齋以
無母子也識者聞而惡之至于三月宮車晏駕是月亦有太后山
陵之事其無母子遂如訛言此間田野有草俗名母子草二月始
生莖葉白脆每屬三月二月婦女採之蒸搗以為餅傳為歲事今
年此草非不繁生民之訛言天假其口太皇太后姓橘氏諱嘉智

身六開
一有長
字

自明一
作風浩

子父清友少而沉厚涉獵書記身六尺二寸眉目如畫舉止甚都
室龜八年高麗國遣使修聘清友年在弱冠以良家子姿儀魁偉
接對遣客高麗大使獻可大夫史都蒙見之而器之問通事舍人
山於野上云彼一少年為何人乎野上對是京洛一白面耳都蒙
明於相法語野上云此人毛骨非常子孫大貴野上云請問命之
長短都蒙云三十二有厄過此無恙其後清友娶田口氏女生后
延曆五年為內舍人八年病終於家時年卅二驗之果如都蒙之
言后為入寬和風容絕異于過於膝髮委於地觀者皆驚嵯峨太
上天皇初為親王納后寵遇日隆天皇登祚弘仁之始拜為夫人
先是數日后夢出自針孔立左市中六年秋七月七日后亦夢著
佛瓔珞居五六日立為皇后十四年 天皇禪位於淳和皇帝尊
天皇為太上天皇皇后為皇太后仁明天皇受禪尊皇太后為
太皇太后追贈后父太政大臣正一位母正一位后自明泡如篤

館一作
宮閣
一作滿

遣一作

信佛理建一仁祠名檀林寺遣比丘尼持律者入往寺家仁明天
皇助其功德施捨五百戶封以充供養后亦與第右大臣氏公朝
臣議開學舍名學宮院勸諸子弟誦習經書朝夕閣閣時人以此
漢鄧皇后初法華寺有苦行尼名曰禪雲見后未算就把其臂云
君後當為天子及皇后之母后竊記之遂生仁明天皇及淳和太
皇太后后追想尼言訪其所在尼時既亡及仁明天皇不豫甚篤
后襄感毀容遂剃髮為尼求冥救也天皇崩後相尋而后亦崩時
年六十五后正位之後專務化導宮闈之內陰教邕穆朝野稱之
嵯峨天皇特加敬重意愛甚密故老相傳伊豫國神野郡昔有高
僧名灼然稱為聖人有弟子名上仙住止山頂精進練行過於灼
然諸鬼神等皆隨願指上仙嘗從容語所親檀越云我本在人間
有同天子之尊多受快樂尔時作是一念我當來生得作天子我
今出家常治禪病雖遣餘習氣分猶殘我如為 天子必以郡名

為名字其年上仙命終先是郡下橘里有孤獨姥号橘姬頌盡家
 產供養上仙上仙化去之後姬得審問泣涕橫流云吾與和尚久
 為檀越願在來生俱會一處得相親近俄而姬亦命終其後未幾
 天皇誕生有乳母姓神野先朝之制每皇子生以乳母姓為之
 名焉故以神野為天皇諱後以郡名同天皇諱改名新居后時
 夫人号橘夫人所謂天皇之前身上仙是也橘姬之後身夫人
 是也后嘗多造宝幡及繡文袈裟窮盡妙巧左右不知其意後遣
 沙門慧萼泛海入唐以繡文袈裟奉施定聖者僧伽和上康僧等
 以宝幡及鏡奩之具施入五臺山寺○丙戌成莊嚴清涼殿安置金
 光明經地藏經各一部及新造地藏菩薩像一軀屈請百僧修先
 皇七七日御齋會解坐之後使於大極殿限三箇日轉讀大般若
 經以祈甘雨也應時雨降是日有制為諸名神令度七十人各為
 名神發願誓念其得度者皆以神字被於名首○丁亥終日陰雲

使一作

入夜雨降○戊子加雨水潦奔溢時人以為諸僧苦請之誠感動
 龍王也○庚寅請僧五十口分配東宮中宮限三箇日轉讀大般
 若經○壬辰追贈流人橘朝臣逸勢正五位下詔下遠江國歸葬未
 鄉逸勢者右中辨從四位下入居之子也為性放誕不拘細節尤
 妙於書宮門榜題手跡見在延曆之季隨聘唐使入唐唐中父人
 呼為橘秀才歸來之日歷事數官以年老羸病靜居不仕承和九
 年連染伴健岑謀反事掠拷不服減死配流伊豆國初逆勢之赴
 配所也有一女悲泣步從官兵監送者叱之令去女畫止夜行遂
 得相從逆勢行到遠江國板築驛終於逆旅女攀号盡哀便葬馱
 下廬于喪前守屍不去乃落髮為尼自名妙冲為父誓念曉夜苦
 至行旅過者為之流涕及詔歸葬女尼負屍還京時人異之稱為
 孝女○甲午四品時康親王為中務卿二品仲野親王為式部卿
 三品賀陽親王為彈正尹四品人康親王為上總大守四品水康

真一作

日臣間
一有朝

真一作
真上宿
問一大
字四一
作五

中大一作

親王為上野太守一品葛原親王為太宰師正六位上藤原朝臣
興世石川朝臣豐河布勢朝臣真吉伴宿祢須賀雄並授從五位
下從五位下中臣朝臣逸志為神祇大副從五位下藤原朝臣諸
藤為侍從從五位下春日臣雄繼為大學博士從五位上高階真
人清上為彈正少弼從五位上丹墀真人門成為大和守從五位
下丹墀真人貞岑為駿河守正四位下坂上宿祢淨野為相摸守
右兵衛督如故從四位下伴宿祢成益為丹波權守從五位上攝
朝臣貞根為安藝守從四位上源朝臣冷為讚岐守從四位下清
原真人長田為大宰大貳從四位下藤原朝臣氏宗為右近衛中
將右大辨如故○丙申從五位下藤原朝臣菅雄為民部少輔詔
以武藏國奈良神列為官社先是彼國奏請檢古記慶雲二年此
神放光如火熾然其後陸奧夷盧反亂國發控絃赴救陸奧軍士
載此神靈奉以擊之所向無前老弱在行免於死傷和銅四年神

二備前
一作備
後

社之中忽有湧泉自然奔出溉田六百餘町民有疫癘禱而癒人
命所繫不可不崇從之○戊戌石見國言甘露降○癸卯雨雹大
如鴨卵○六月戊申能登國氣多大神授從二位○巳酉雷震西
寺刹柱剝取其草中央一許丈去落於右馬頭藤原朝臣春津宅詔
以武藏國廣瀨神常陸國鴨大神御子神主玉神並列於官社安
房國造正八位上伴直千福麻呂授外從五位下○庚戌伊豆
國阿米都和氣命伊太豆和氣命阿豆佐和氣命佐岐多麻比咩
命伊賀國佐佐神津神等並授從五位下壹岐寫角上神列於官
社○丁巳美作國獻靈龜雪白可愛○乙丑從五位下藤原朝臣
關雄為諸陵頭從四位下藤原朝臣諸成為右京大夫從五位上
藤原朝臣大津為備前守外從五位下山田宿祢文雄為備前
○丙寅有流星頭尾轉行○丁卯遣散位從五位下利見王神祇
少副正六位上中臣朝臣稗守等參伊勢大神官告以即位之由

百官齋戒廢務三日○甲戌出羽國奏言境接夷落動爲風塵至有嫌疑必資古驗請省史生一員置陰陽師一員許之

日本文德天皇實錄卷第一

日本文德天皇實錄卷第二

起嘉祥三年七月盡十一月

右大臣正二位臣藤原朝臣基經等奉

勅撰

秋七月丙子朔授參河國砥並神從五位下從五位下橘朝臣永
範爲刑部少輔○丁丑賑給左右京貧窮者○庚辰延屈百僧於
大極殿轉讀大般若經爲穀祿也備前國獻白龜○甲申皇女晏
子內親王爲伊勢齋伊勢子內親王爲賀茂齋大袂於建禮門前以
命兩齋內親王從四位下藤原朝臣右子先位東子女王藤原朝
臣年子藤原朝臣多賀幾子藤原朝臣是子等爲女御伊豫國力
田物部連道吉鴨部首福主等叙位一階道吉等領盡私產賑贍
窮民故有此意○乙酉讚岐國人大膳少進從七位上佐伯直正
雄賜姓佐伯宿祢左京職石見國獻甘露味如飴糖○丙戌進
山城國火雷神階授從五位上遠江國任事鹿苑兩神並授從五
位下大和國丹生川上兩師神階授正四位下龍田天御柱命神

五位下
進字

意一作
實又作

一無藤
原朝臣
字

王一作

父正間
一有左
大臣三
字
天一作
之

國御柱命神若宇加乃賣命神並加從五位上策命曰 天皇我
詔旨仁坐天御柱國御柱神等乃廣前尔申賜止倍申久國家乎鎮
護賜尔依天御位奉授乃後年月久成利多因茲神祇少副正六位
上大中臣朝臣久世主乎差使天御位上奉利稱奉留古毛今毛風雨
隨時比五穀豐登之天下平安尔 天皇朝廷乎堅磐尔常磐尔
護賜比助賜比申賜比久申○壬辰追崇外祖父正一位藤原朝
臣冬嗣為太政大臣外祖母尚侍從三位藤原朝臣美都子贈正
一位策命曰天皇我勅命尔坐宣天尊祖比敦親須事波食國乃
恒典奈利故是以追至太政大臣乃官贈賜比崇賜布勅命乎散
位從五位下藤原朝臣雄瀧乎差使且申賜以宣詔曰貴德重親
前王之令圖悼往飾終有國之通典朕外祖父左大臣正一位藤
原朝臣風標秀上器字凝深德為時宗位居朝棟至忠報國世異
名新遺愛在人身徂德盛外祖母尚侍從三位藤原氏自家刑國以

親悲衍
苦一作
若沉一
作洗
冠一作
寵
丑從間
一有授
字
一本無
授字

外位之
位衍

孝率中嬪規規終於床嬪母則賢於大妣春花早落翫流芳而有
餘石火不留繼殘焰而仍照朕寓形苦壤沉思鼎湖至哀之餘懷
夫親懿況國憲有恒崇班攸歸宜加冠章式光拱水外祖父可贈
大政大臣外祖母可贈正一位布告遐邇稱朕意焉○巳亥大雨
太極殿前龍尾道十二丈為水潦所決擦○辛丑從三位藤原朝
臣貞子授正三位无位望子女王從四位下從四位下廣井女王
從四位上從四位上當麻真人浦虫正四位下從五位下菅原朝
臣關子安倍朝臣鳳子甘南備真人伊勢子安倍朝臣殿子石川
朝臣普子等並從五位上外從五位下綾公姑繼宗形朝臣豐子
元位藤原朝臣宜子笠朝臣西子等並從五位下外位從五位下
神門臣富繼外正五位下制以施藥院司未立秩限准造瓦使四
年為限○壬寅策命曰 天皇我詔旨止法師等尔白止倍勅大
命乎白大法師田明乎權律師尔任賜事乎白止倍勅大命乎白

按卷首
七月署
從五位
下橋永
從四位
下可疑
而一作
從五位
推于支
已酉當
移庚戌

○甲辰授筑前國織幡神從五位下○八月戊申詔以遠江國角
避比古神列官社先是彼國奏言此神叢社瞰臨大湖湖水所
舉上賴利湖有一口開塞無常湖口塞則民被水害湖口開則民
致豐穰或開或塞神實為之請加崇典為民祈利從之○庚戌遣
使五畿七道班幣諸神告以即位之由大稚於建禮門前以遣使
也參議正四位下滋野朝臣貞主為相模守宮內卿如故從四位
下興世朝臣書主為治部大輔從四位下橋朝臣永範為民部少
輔從五位下小野朝臣貞樹為刑部少輔從五位下藤原朝臣菅
雄為木工頭從五位上藤原朝臣春岡為左衛門權佐從五位下
藤原朝臣興世為右衛門權佐從五位上坂上宿祢正野為右馬
頭○巳酉右兵衛督正四位下坂上大宿祢清野卒清野大納言
正二位田村麻呂第四子也少慣家風武藝絕倫嵯峨太上皇在
東宮時年十八為春宮少進是時天皇御武德殿特簡天下騎射

少副一
作少祐
中臣下
恐脫朝
臣二字
手化一
昌化一
作昌紀

拔群之士其人覽其才品爰清野以春宮少進獨參其選又命步
射士佐味香飾麻呂飯高常比麻呂清野等三人競射清野為三
人之先鳴也天皇甚奇愛之弘仁十年正月叙從五位下為陸奧
鎮守將軍年纔七十一為陸奧介十三年為右近衛少將十
四年十一月叙從五位上天長元年左貶為薩摩守俄而遷為主
佐權守入京之後十年三月叙正五位下為陸奧出羽按察使夷
民和親開塞無事承和三年罷官歸都即為右馬頭數年遷為右
兵衛督兼為因幡守十二年正月叙從四位上兼為相模守嘉祥
三年四月叙正四位下齡稍遲晚老病相迫有意避官未言氣絕
時年六十二○癸丑遣散位正五位下楠野王神祇少副正六位
上中臣禰守等向伊勢大神宮告以晏子內親王為齋○丙辰公
卿抗表曰臣聞道粹含元驛三靈而委貺德敷齋聖馳六齒而薦
祉故遊蓮卿使表昌化於堯壇戲藻波臣郭禎期於軒浦伏惟

華菜一作
作菓

皇帝陛下則哲承基窮神闡化德比天地明齊日月茶蕪追思之
痛中宵獨深草萊鬱慕之情曰興彌切伏見義作國介從五位下
藤原朝臣貞道等奏備所管英多郡大領外從八位上賤田祖麻
呂於郡下川倉鄉英多河石上獲白龜一枚又備前國守從四位
下藤原朝臣諸成等奏備所管磐梨郡少領外從八位上石生別
公長貞於郡下石生鄉雄神河獲白龜一枚又石見國守從五位
下笠朝臣岑雄等奏備所管安農郡川合郡甘露降臣等謹案禮
含文素云外內之制各得其宜則山澤出靈龜瑞應圖云王者和
氣茂則甘露降於草木食之令人壽方今聖人啓祚禎符惟新合
至治於太清之治同至德於帝堯之德不任抃躍之至謹詣闕庭
陳賀以聞帝護而不當○丁巳遣右中辨從四位下藤原朝臣氏
宗向賀茂社中宮亮正五位上藤原朝臣良仁向松尾社並告以
即位之由○甲子群臣奏瑞相趨無已 勅曰祥符所感在盛德

信一作
任一作
白一作
自盛一作
作感一作
胃一作
作會

卜占一作

而應稱顯慶斯臻豈菲虛之可信朕自在大裘事聽家宰德未動
近化何覃幽而今日甲龜甘露之祥至今卿等表賀朕之意思自知
不堪夫無災而患著自前蹟特瑞而凶非無狂鑒況上德不德盛
德之祥無聞大聖施聖應聖之瑞自廢誠能道德成胃仁義為巢
若二儀之不言若四時之潛運則万人仁壽誰須千歲之靈龜百
物咸盈豈慮曠時之甘露漢光晉武足為吾師陳賀之言非彼欲
聽○丙寅公卿重上表以求賀瑞帝以苦請難拒許之○戊辰遣
散位從五位下高原王向豐前筑前兩國以寶劍明鏡名香絲帛
等奉八幡宮及香推廣○巳巳天南有聲如雷○辛未地震從西
北來雞雉皆驚○九月乙亥朔日有蝕之○壬午遣宮主正六位
下占部雄貞神琴師正六位上管生朝臣末繼典侍正五位下藤
原朝臣泉子御坐無位榎本連淨子等向攝津國八十嶋是日右
京大夫主岑成於攝津國嶋上郡河上獲白龜獻之○甲申詔以

神祇間
一作宮
下主一
上生一
伊勢國
一作伊
勢大神
宮一作
細納一

伊勢國多度大神列於宮社同國天照大神祇宜從八位下神主
繼長豐受太神宮祇宜從八位上神主土主等授外從五位下○
乙酉遣少納言從五位上鎌藏王內藏頭從五位下中臣朝臣壹
志等向伊勢國依例奉幣別獻納馬五足以充神御○戊子遣參
議左兵衛督正四位下藤原朝臣助向賀茂大神社策命曰天
皇我詔旨止掛畏大神乃廣前爾申賜止申久先先爾禱申賜
倍御馬弁神財乎九日爾潔備天奉出賜波可告止下申利故是以
神財乎設備天潔捧天奉出須但御馬波馬寮內爾有穢爾依此
度波不奉出來年乃四月乃祭爾設備天奉出无此狀聞食天
皇朝廷乎堅磐常磐爾天下平安護賜比矜賜止恐見恐規申賜
波久申已丑亦遣參議藤原朝臣助向春日大神社策命曰天皇
我詔旨止大神乃廣前爾申賜止申久皇大神乃厚護爾依天
日嗣乃高御座波平久即賜止奈所念行須因茲天先先爾禱申

賜之御冠止為天奈建御賀豆智命伊波比主命二柱乃大神波乎
正一位爾天兒屋根命波從一位爾比賣神乎正四位上乃御冠
爾吐乃御冠爾五字諸本並上奉利崇奉留狀乎神財乎合捧持
天關源元寬据春日社記補益益爾天皇朝庭乎堅磐常磐爾幸倍
奉賜比天下平安爾護賜比助賜止恐見恐規申賜波久申詔曰
乾鑿不測隨皇化而効靈神理非遙應人事而通感是以恩有財
漸龜龍不

文德實錄平安書林林元章家既梓之久矣以其有
脫簡思願補刻未能之獲頃聞余藏有佳本懇祈不
已因再校諸原本及菅公類聚國史等以授焉用心
若元章者可謂不忘本矣豈可不嘉耶所補者卷第
二第四葉左方七行出賜波可下凡三百二十字云
明和辛卯仲冬大嘗會日阿波源元寬苞卿識

浮一作

永下有永字

秘幽贊之符德有相覃雲露豫彰昇平之瑞朕上遵遺制下酌郡
言辭不獲免遂踐皇極然猶集蓂之痛彌切擠杼之慮未申譬涉
大川洞知彼濟即知天上甘露之淵未必為朕而灑水中神祭之
智豈能類朕而浮故斷尚書之章不聽群臣之賀而今攝津畿服
之地亦獲神龜而獻之僉謂不世之鴻符難得而廢矣朕重違敦
請再三念之若是百神七廟之顧復方民三槐九棘之緝熙庶績
之所致者乎有同其擇告日告於宗社夫卦壇馬齒獻瑞不垣天
既攸降理須優異宜特令攝津國嶋上郡莫翰今年之調羨作國
英多郡石見國安農郡備前國磐梨郡並免當年之庸獲龜之人
岑成等叙從六位上賜物准例天下祝部各覓其祖又五畿內七
道諸國承和六年以往調庸未進成從免除溲以膏潤由茲惠液
之祥布以至和協彼長生之瑞是日內供奉大法師圓仁奏置天
台掇持院十四禪師簡凍行者以充之永木絕○壬辰授播磨國

久世主一作久世王

占部一作卜部

未賜間有秋字

足速手速神從五位下○乙未遣神祇少副正七位上大中臣朝
臣久世主向攝津國住吉大神社奉寶幣賽宿禱之○丁酉進參
議左衛門督正四位下藤原朝臣長良階從三位先是七月大水
山崎橋斷帝以為河橋易壞依水浸嚙得其便地自無所害是
日詔遣中納言安倍朝臣安仁源朝臣弘參議滋野朝臣貞主伴
宿祢善男等就山崎以察利害求其便地乃定置橋○庚子遣待
從從五位上嶋江王向伊勢太神宮神祇大副從五位下中臣朝
臣逸志向賀茂大神社神祇權少祐正六位上占部葉基向尾張
大神社告以賀瑞之由大掖於建禮門前以遣使也又下知五畿
七道諸國班幣名神同告賀瑞之由是日伊勢齋內親王稷於鴨
河勅遣從四位下右中辨藤原朝臣氏宗從修禊事○冬十月乙
巳朔從五位下文室朝臣笠科為勘解由次官正五位下菅原朝
臣是善為加賀權守文章博士如故○丁未賜忠良親王帶釵○

葛一作

巳酉遣中納言正三位源朝臣定左京大夫從四位上正行王向
 山科山陵散位從五位下春原朝臣末繼內舍人從六位下安倍
 朝臣弘行向前田原山陵右京大夫從四位下藤原朝臣諸成向
 後田原山陵參議正四位下滋野朝臣貞主掃部頭從五位下滋
 野朝臣善蔭向柏原山陵中納言從三位源朝臣弘彈正大弼從
 四位上藤原朝臣衛向楊梅山陵中納言正三位安倍朝臣安仁
 從四位下宮內大輔房世王向嵯峨山陵從三位大藏卿平朝臣
 高棟散位從四位下藤原朝臣輔嗣向大原山陵藤議從四位上
 伴宿祢善男侍從從五位下藤原朝臣諸葛向深草山陵告以賀
 瑞之由策文曰 天皇恐見恐見掛畏支山陵爾申賜倍申久雜
 嘉祥三年八月十七日 尔公卿等奏世良攝津國美作國備前國
 並獻白龜利石見國獻甘露乳良進止奏利如此支希世留大瑞
 波是薄德乃可令感致支物非須掛畏支山陵乃慈賜以示賜

出恐間
字一有天

耶一作

右奈比
伊古奈
比咩
按下文
阿波作
中房物
尼奈乃
無乃字
授五間
脫從字

倍物奈利為天奈貴喜比受賜利畏萬狀乎進出恐見恐現申賜
 止久申○辛亥進山城國稻荷神階授從四位上授攝津國廣田
 神從五位下進大和國大和大國魂神階授從二位石上神及大
 神大物主神葛木一言主神等並正三位夜岐布山口神從五位
 下河內國恩知大御食津彥命神恩智大御食津姬命神等並正
 三位丹比神從五位上伊勢國阿耶賀神從五位上尾張國熱田
 神正三位越前國氣比神正二位筑前國宗像神從五位上竈門
 神從五位上筑後國高良玉垂命神從四位上肥後國健甞龍命
 神正三位伊豆國三嶋神從五位上○壬子伊豆國右奈比咩命
 神阿波神物忌奈乃神並授五位上近江國伊富岐神從五位下
 紀伊國伊太祁曾神從五位下○癸丑以伊勢國多度神列於官
 社○戊午從四位上藤原朝臣衛為勘解由長官從五位下藤原
 朝臣雄瀧為攝津守○庚申出羽國上言地大震裂山谷易處廢

大德實錄卷二

多度神
上
今推干
文甲子
已亦當
移庚申
上

盤堅間
一有
字
空字衍
社曰間
有策今
二字
盤堅間
一有
字
盤堅間
一有
字
狀間
一有
字

盤堅間
一有
字
大
一作

死者眾○已未信濃國御方富命神建御名方富命前八坂加賣
命神並加從五位上 甲子遣左馬助從五位下紀朝臣貞守向
紀伊國日前國縣大神社策命曰 天皇我詔旨止掛畏大神等
乃廣前 申給止申久先先 神財奉進此神申賜此故是以種
種乃神財乎潔備天今捧持 奉出 此狀乎聞食天 天皇朝
廷乎常磐堅磐 護奉奉賜比天下平安 矜賜比助賜此恐見
恐見 申給止久 申同日遣同貞守於空伊大祁曾神社曰 天皇
我詔旨 申給久 御冠授奉止祈申賜此之依天從五位下 乃御
冠 上奉利崇奉留狀乎 御位記令持天奉出 此狀乎聞食天
天皇朝廷乎常磐堅磐 護奉奉賜止 申給久 申亦遣右大辨兼
右近衛中將從四位下藤原朝臣氏宗向園神韓神等社策命曰
天皇我詔旨 申給久 御冠授止禱申賜此之依天從五位
下 乃御冠 奉授利崇奉留狀乎 御位記令持天奉出 此狀聞

食天 天皇朝廷乎常磐堅磐 護奉奉賜止 申給久 申○乙丑
紀伊國伊達神志摩神靜大神並加從四位下○丁卯屈七十僧
於東宮轉讀大般若經別請七僧於清涼殿修法印咒並限三日
為國祈也詔以壹岐嶋天手長男天手長比咩兩神列於官社○
十一月甲戌朔詔以伊豆國伊古奈比女安房物忌奈三神列於
官社○已卯從四位下治部大輔興世朝臣書主卒書主右京人
也本姓吉田連其先出自百濟祖正五位上圖書頭兼內藥正相
模介吉田連宜父內藥正正五位下右麻呂並為侍醫累代供奉
宜等兼長儒道門徒有錄書主為人恭謹容止可觀音者 嵯峨
太上天皇在藩之時殊憐其進退延曆廿五年為尾張少目大同
四年四月為縫殿少允弘仁元年正月遷為內近少允四年五月
遷為左兵衛權大尉七年二月轉為左衛門大尉兼行檢非違使
事有頃遷為右近衛將監書主雖長儒門身稍輕捷超躍高岸浮

弘仁二
字一為
行文六
正月一作

下因一
作四

叙五間
脫正字

視一有
視一有

尊播間
一有居
判一作
判一作

民牧一
作民秋

渡深水猶同武藝之士能彈和琴仍為大歌所別當常供奉節會
新羅人沙良真熊善彈新羅琴書主相隨傳習遂得秘道弘仁八
年六月叙外從五位下拜織部正九年正月為和泉守治聲頗聞
十二年正月叙從五位下十四年正月叙從五位上為備前守是
時和泉罷往未歸京師使道之任政化清平天長四年遷為左京
亮五年二月拜後守因身病因確辭不行八年二月更為左京
亮承和四年上請改姓為興世朝臣七年正月為信濃守九年正
月叙五位下十二年拜木工頭十四年正月叙從四位下嘉祥三
年八月遷為治部大輔以年老身衰聊披山林之地常發觀念之
業卒時年七十三○辛卯 帝以諒闇故不親祭事所司齋祭禮
奉舊章○壬辰右大臣於待從局錄親王已下五位已上見在座
者奏之○癸巳依大臣所奏簿錄准新嘗會宴賜祿在差○乙未
進越前國金山彦神階加從四位下○丙申詔曰紫極高映運亭

盡而不言黃屋尊播惠愛而無恃故勛華繼燭未隔於勤勞禹履
乘風獨同於含育朕忝奉先訓虔撫令圖浪茶蓼以銷神暎蒸庶
以判思而今至誠不暢小信未孚陰德憊和柔祇告謹出羽州壤
偏應銅龍之機邊府黎毗空被梟禽之害邑居震蕩蹈厚載而不
安城柵傾頽想難虞而益恐咸湏子視或至於死傷獨作母臨何
懈於拯救宜馳星使就展恩光其被災尤甚不能自存使國商量
蠲免租調並不問民牧開倉廩賑振其生業莫使重困崩墻毀屋
之下所有殘屍露骸官為收埋務申優恤庶俾委凍者知挾纊之
温阻飢者得廩罕之飽從四位上清原真人瀧雄為治部大輔授
正六位上安埤宿祢良棟外從五位下○戊戌惟仁親王為皇太
子策命曰 天皇 我詔旨勅命 乎親王諸王諸臣百官人等天下
及公民眾聞食 止宣隨法 尔可有 政 天 志 惟仁親王 乎立而皇
太子 止定賜布 故此之狀 乎悟 五百官人等仕奉 詔 天皇勅

備前守
一作備
前介

旨乎衆聞食宣大納言從二位源朝臣信爲東宮傳參議正四位
下藤原朝臣良相爲春宮大夫從五位下大枝朝臣音人爲東宮
學士從五位下藤原朝臣冬緒爲春宮亮○壬寅參議正四位下
藤原朝臣良相爲左大辨春宮大夫左近衛中將陸奧出羽按察
使如故從四位下藤原朝臣氏宗爲右大辨右近衛中將如故正
五位下藤原朝臣貞守爲右中辨備前守如故從五位下橘朝臣
時枝爲內匠頭從五位下南淵朝臣年名爲式部少輔從五位下
藤原朝臣恒雄爲伊勢介橘朝臣數岑爲尾張守○壬卯遣中納
言正三位安倍朝臣安仁宮內大輔從四位下房世王等向嵯峨
山陵參議左兵衛督正四位下藤原朝臣助正四位下大舍人頭
高枝王等向深草山陵策文曰 天皇我恐見恐毛掛畏支御陵
尔申賜倍申久食國乃法止定賜比行賜留法隨尔可有岐政止
天惟仁親王乎立天皇太子止定賜布此狀乎恐美恐美申賜止

提下一
有根字

申○十二月庚戌詔以上野國甲波宿禰神列於官社○辛亥補
僧綱策命曰 天皇我詔旨止法師等尔白左開宣勅命乎白律
師道雄乎權少僧都尔權律師圓明乎律師尔任賜事白止左開宣
勅命乎白○丁巳雷何以書之記異也○戊午屈禮徒礼佛懺悔
○癸酉進河內國和尔神階加從五位上堤津嶋女神從五位下

日本文德天皇實錄卷第二

日本文德天皇實錄卷第二 起仁壽元年正月盡十二月

右大臣正二位臣藤原朝臣基經等奉

勅撰

仁壽元年春正月甲戌朔 帝不受歲賀以諒闇未終也○甲申
正六位上長統王藤原朝臣真數紀朝臣永直坂上大宿祢常岑
橘朝臣數雄丹墀真人高主伴宿祢三宗等並授從五位下正六
位上高丘宿祢百興與高狩忌寸清貞其末春良宿祢藥麻呂等授外從
五位下參議正四位下小野朝臣篁為近江守參議正四位下藤
原朝臣助為信濃守右兵衛督如故參議從四位上伴宿祢善男
為美作守中宮大夫式部大輔如故從五位下藤原朝臣松影為
山城守從五位下藤原朝臣正世為河內守外從五位下上平野
朝臣綱主為和泉守從五位下善友朝臣穎主為攝津權介外從
五位下高丘宿祢百興為尾張介從五位下橘朝臣數雄為遠江
守正五位下楠野王為駿河守從五位下小野朝臣貞村為甲斐

守正五位下橘朝臣真直爲相模權守從五位下橘朝臣末茂爲
下總守長統王爲上野介正四位下南淵朝臣氷河爲下野守從
五位下坂上大宿祢常岑爲出羽守丹墀真人高主爲若狹守良
岑朝臣清風爲加賀介從五位上紀朝臣椿守爲越中權守從五
位下三原朝臣朝主爲能登守從五位上豐階公安人爲丹後權
守從四位下滋野朝臣貞雄爲但馬權守從五位下藤原朝臣秋
常爲因幡守藤原朝臣忠岑爲伯耆守外從五位下春良宿祢藥
麻呂爲出雲介從四位上源朝臣勤爲阿波守從五位下高階真
人岑緒爲伊豫守從五位下物部首廣泉爲權掾內藥正侍醫如
故從五位下小野朝臣于株爲土佐權守右近衛少將如故從五
位下藤原朝臣真數爲筑前守山口朝臣春方爲筑後守外從五
位下內藏朝臣雄繼爲豐前介從五位下伴宿祢三宗爲鎮守將
軍○乙酉地震○庚子詔天下諸神不論有位無位叙正六位上

○癸卯加越前國足羽神從四位下是夜有流星大如斗餘久之
乃滅○二月乙巳地震○辛亥從五位上藤原朝臣開雄爲治部
少輔義志真王爲諸陵頭從五位下丹墀真人氏永爲刑部少輔
橘朝臣茂房爲掃部頭善永王爲正親王從四位上源朝臣生爲
左京大夫從五位下藤原朝臣興世爲陸奥守○乙卯別制大原
野祭儀一准梅宮祭○丙辰定先皇御忌齊會行事司左京大
夫從四位上源朝臣生雅樂頭從五位下藤原朝臣貞敏侍從橘
朝臣信蔭藤原朝臣諸勝等六位以下七人爲莊嚴堂舍司右京
大夫從四位下藤原朝臣諸成散位從五位下山田宿祢古嗣藤
原朝臣有貞丹墀真人繩主藤原朝臣長基大炊頭外從五位下
蕃良朝臣豐持六位以下五人爲辨備僧供司散位從五位下興
岑主利見王伴宿祢龍男藤原朝臣脩雄等六位二人爲檢校講
讀二師房司散位從五位下春枝王永貞王治部少輔藤原朝臣

開雄散位田口朝臣統範等六位以下四人為檢校集會眾僧房
 司是日移清涼殿為嘉祥寺堂此殿者 先皇之謙寢也今上不
 思御之故捨為佛堂○甲子從五位下藤原朝臣興世為常陸權
 介陸奧守如故坂上大宿祢貞守為美濃權介左近衛少將如故
 伴宿祢三宗為下野權介鎮守將軍如故正四位下高枝王為越
 前權守大舍人頭如故從五位下藤原朝臣緒數為介三原朝臣
 永道為伯耆守○丙寅无品常康親王落髮為僧親王者 先皇
 第七子也母紀氏少而沉敏風情可察 先皇諸子之中特所鍾
 愛親王追慕 先皇悲艱無已遂故佛理求冥救也○丁卯正三
 位藤原朝臣貞子出家為尼貞子者 先皇之女御風姿魁濂言
 必典礼宮掖之内仰其德行 先皇重之竈數殊絕雖有内受必
 加外敬 先皇崩後哀慕追戀不肯飲食形容毀削卧頭之下每
 且有涕泣處左右見之不堪悲感遂為 先皇誓入大乘道戒行

薰備無有遺類道俗珍之○三月癸酉朔日有蝕之○甲戌加筑
 後國高良山王垂神正四位下○戊子諸僧二僧於東宮轉讀大
 般若經○辛巳讀般若訖親齊加常更有恩勅施度者各一人○
 壬午右大臣藤原朝臣良房於東都弟延屈知行名僧奉為 先
 皇講法華經往年 先皇有聞大臣家園樹櫻甚羨戲許大臣以
 明年之春有翫其花俄而仙駕化去不遂遊賞屬春來花發大臣
 恨曰 先皇所期之春今日是也春來依期仙去不飯花是人非
 不可堪悲道俗會者莫不為之流涕公卿大夫或賦詩述懷或和
 哥歎逝○丁亥地震○壬辰修 先皇御忌齊會於嘉祥寺百官
 盡會○癸巳月有蝕之既○已亥有冰鳥似鷲而小不得其名集
 殿前梅樹何以盡之記異也○夏四月癸卯朔從四位下道野王
 房世王正躬王貞内王雄風王高毅王伴宿祢成益正五位上藤
 原朝臣良仁藤原朝臣高房從五位上平朝臣春香藤原朝臣並

藤豐階公安人從五位下小野朝臣千株百濟王永仁文室真人有真善友朝臣豐宗高橋朝臣安雄坂上大宿祢貞守藤原朝臣冬緒橘朝臣常蔭橘朝臣茂房藤原朝臣三藤清原朝臣清海南淵朝臣年名等並爲次侍從正四位下高枝王從四位下茂世王基兄王正躬王從四位上豐江王正四位下橘朝臣冰名從四位上藤原朝臣衛源朝臣生源朝臣安源朝臣勤源朝臣冷清原真人滝雄從四位下藤原朝臣春津藤原朝臣岳守清原真人岑成藤原朝臣諸成春澄宿祢善繩正五位下藤原朝臣貞守藤原朝臣行道從五位上久賀朝臣三夏等爲出居侍從○丙午地震○庚戌 帝始御南殿賜親王已下侍從已上祿有差從五位上良岑朝臣長松從五位下物部首廣泉大枝朝臣音人春日臣雄繼等並爲次侍從○癸丑定悠紀主基等國伊勢國爲悠紀播磨國爲主基並卜之所食也○戊午授賀茂別雷神祢宜賀茂縣主益

雄外從五位下○辛酉遣使者向賀茂大神社奉祭但齋內親王未盈齋限故不得侍祭○甲子定大嘗會行事司○丁卯 帝喚散位從四位下春澄宿祢善繩於北殿講文選丹後權守從五位上豐階公安人爲都講○庚午改元仁壽詔曰體九居正陽秋格言去故成新易象之玄訓是以 皇流異汎 帝室分暉莫不改正朔以乘風變徽章以演化者也朕以不敏嗣奉鴻基諒陰之禮已終瘡臣之痛獨切但逾年以後日月推移不寧舊章恐招新議去年即位之初頻得白龜及甘露之瑞雖朕之不德推而不居而聽於公卿告之宗廟方今純陽布德萬物成文宜顧震應於往時變年紀於今日孫氏瑞應圖云甘露降於草木食之令人壽其改嘉祥四年爲仁壽元年○辛未晦地震○五月癸酉雷雨○乙亥加雨○巳卯雨水○庚辰遣使者向丹生川上兩師社奉幣馬以祈霽賑給左右京不能自存者○壬午地震出雲國司奏言女子

私部繼成女節操尤著請加旌顯詔賜爵二級後終其身○乙未地震有死蛇有在南殿前頭有傷處似有物嚙之何以盡之記異也○六月壬寅朔帝御南殿賜侍臣飲祿各有差○甲辰遣使者向伊勢加茂松尾乙訓等神社以祈霽策文曰天皇我詔旨止掛畏支太神乃廣前申久近來雨降已涉旬天百姓乃農業流損奴倍掛畏支大神乃厚助依天此灾波可止之所念行天奈去五月廿七日御馬進雨止女賜止禱申賜比而卜定留日促尔之御馬所尔遣已不堪後日尔必進年故是以差使天太幣乎令捧持出須此狀乎聞食天降雨忽晴天五穀不損秋稼豐登之天皇朝廷乎常磐尔堅磐尔天下平安尔護幸倍助賜比矜賜倍恐毛恐毛申賜久申又別辞申此雨乃不止留左由緣乎卜求禮春祭尔供奉留使等中尔有穢事介因茲大神不志已理賜倍利波小申世而祭使波御卜合留倍人乎令供奉世奈取念行留世此事

乎聞食天奈懼畏利御坐須大神神那我良聞食天今毛彌益尔安尔護助賜倍恐毛恐毛申賜久申○乙巳天霽○丙午遣使者分赴五畿内賑給病水者○巳酉權少僧都傳灯大法師位道雄卒道雄俗姓佐伯氏少而敏悟智慮過人師事和尚慈勝受唯識論後從和尚長歲學華嚴及因明並從關梨空海受真言教永和十四年拜律師嘉祥三年轉為權少僧都會病卒初道雄有意造寺未得其地夢見山城國乙訓郡木上山形勝稱情即尋野夢山奏上營造公家頗即工匠之費有一十院名海印寺傳華嚴教置年分度者二人至今不絕○甲寅詔以近江國散久難度神列於明神○戊午以薩摩國賀紫久利神預於官○庚午攝津權介從五位下善友朝臣頴主卒頴主少入學讀經頗通義理天長元年二月任山城少目承和四年三月為直講八年五月轉為助教頴主元姓佐夜部首後改為善友朝臣十二年正月叙外從五位下

十四年二月為博士十五年正月叙從五位下嘉祥二年五月年
 老乞骸骨四年正月朝廷恤其儒者更任攝津權介卒時年七十
 二○秋七月辛未朔公卿大夫近伏下飲別詔內藏寮賜五位以
 上祿有差○戊寅地震外從五位下善世宿祿豐永為大炊頭外
 從五位下清村宿祿是嶺為大和權介從五位下藤原朝臣冬緒
 為遠江權守春宮亮如故從五位下紀朝臣貞守為近江權介外
 從五位下蕃良朝臣豐持為備前權介○丁亥補僧綱策命曰
 天皇我詔旨法師等尔白左宣勅命乎白大僧都延祥乎僧正
尔少僧都長訓乎大僧都尔律師真濟乎少僧都尔大法師壽朗
 壽教波律師尔大法師明詮乎權律師尔任賜事乎白左開詔
 勅命乎白○壬辰夜有如火光者墜於殿前左右驚亂須臾乃定
 ○八月庚子朔屈僧一百六人於大極殿讀大般若經為穀祈也
 ○辛丑河內國獻嘉禾一莖三穗○壬寅授山城國掘雷氷都久

雷湯豆波和氣神從五位下○巳酉式部省獻異鳥鸚鵡鳥鸚鵡脚
 長頸無尾白黑雜文有詔放之命遂其生○癸丑 詔曰朕聞佐
 下民者天也相上帝者君也君道得則天賜純嘏民心苦則國或
 挺災朕以寡昧嗣守鴻基憂負重而春冰顧馭朽以駕只願返淳
 源於既遠舒景煦於方今家詠京垣之豐人誇鍾鼓之色而誠難
 感激道謝潛通行神夫和坎德為彌去夏人民或坐為莫今秋序
 宅乍成漏川朕之不德百姓何事憂心悠々將何以寄其使左右
 京及五畿內無出今年調被災尤甚不能自存者有司量加賑恤
 俾安其居務班恩惠稱朕焉省鑄錢司主典史生長上各一負○
 甲刀遣左右檢非違使廉實京師被水害者稟給○癸亥駿河國
 獻瑞草紫葉朱莖或謂之芝○乙丑伊勢齊內親王禪於鴨川即
 日入北野宮○巳巳大板於朱雀門前百官盡會為大嘗祭豫除
 群穢○九月庚午朔日有蝕之○辛未進陸奧國駒形神階加正

五位下○甲戌散事從四位下百濟王貴命卒貴命從四位下陸
奧鎮守將軍兼下野守俊哲之女也貴命姿質妹妹廉閑於女工
嵯峨太上天皇御宇之時引爲女御即是二品式部卿大宰師忠
良親王之母也弘仁十年正月叙從五位上十月十一日叙從四
位下○戊寅以有水災癘重陽宴但公卿於近仗下與諸侍臣聊
進菊酒賜祿有差○庚辰遣使者向伊勢大神宮奉細馬八疋以
充神御寶幣具至○乙酉特擢出雲國熊野杵築兩大神並加從
三位青幡位草壯丁命御譯命阿遲須伎高彥命與都彥命速臈
別命天穗日命神等並授從五位下○丁亥無品親子內親王薨
親王者 仁明天皇之女母藤原氏 天皇殊憐愛之 天皇崩
後哀慕無休遂以減性時人悲之○甲午進筑後國高良玉垂神
階加從三位○乙未從五位下弘宗王奏諸子男八人改其王号
賜姓中原真人許之散位從四位下藤原朝臣岳守卒岳守者從

四位下三成之長子也天性寬和士無賢不肖傾心引接少遊大
學涉獵史傳頗習草隸天長元年侍於東宮應對左右舉止閑雅
太子甚器重之二年拜內舍人七年喪父孝思過禮幾於毀滅太
子踐祚拜右近衛將監俄遷爲內藏助兼和元年授從五位下三
年兼爲讚岐介遷爲左馬頭讚岐介如故五年爲左少辨辭以停
耳不能聽受出爲大宰少貳因檢校大唐人貨物適得元白詩筆
奏上帝甚耽悅授從五位上十二年授正五位下十三年授從四
位下特拜右近衛中將兼爲美作守嘉祥元年出爲近江守人民
老少俱皆仰慕卿罷之後無復榮望論者高之卒時年四十四○
冬十月巳亥朔定大嘗會御禊禊漿束使並前後鹵簿次第司○癸
卯地震○乙巳進參河國知立砥鹿兩神階並加從五位上糟目
日長狹投野謁磐播豆赤孫御津石鞍石纏阿志等十一神並授
從五位下○丙午進肥後國健磐竜命大神階加從二位長門國

康集福賀磨能峯壬生等四神並授從五位下○戊申因幡國大
 志保濃都波奈廣伊蘇佐伎都波只等五神並授從五位下○已
 酉遣大藏少輔從五位下藤原朝臣良房向香椎八幡大菩薩宮
 奉宝幣○辛亥地震○乙卯遣使者向平野神宮策命曰 天皇
 我詔旨止平野大神等 申給 止倍申久大神等 乎彌高 尔弥廣 尔
 崇奉 那止 毛所念行 須 故是以正三位今木大神 乎波從二位 尔正五
 位上久度古關等二前 乃神波從四位下 尔合殿坐 須 比咩神 波
 正五位下 乃御冠 尔上奉 利崇奉 流 狀 乎參議從四位下左大辨
 兼行左近衛中將陸奧出羽按察使藤原朝臣良相 乎差使 尼申
 奉出 須此狀 乎聞食 互神那我良母 天皇御孫命 乎堅磐 尔常
 磐 尔護 幸奉賜 比天下平安 尔守矜賜 止倍申賜 止久申 ○庚申遣使
 者向伊勢太神宮告以大嘗祭事○甲子 帝幸鴨川大修禊事
 爲大嘗祭除邪穢也○乙丑進信濃國建御名方富命彦及坂

乃賣命等两大神階加從三位○戊辰晦大稜於朱雀門前○十
 一月甲戌日無精光中有黑點大如李子○乙亥進右大臣藤原
 朝臣良房階正二位加其家夫人正四位下源朝臣紫姬從三位
 ○辛巳詔以尾張國真清田大縣兩神列於官社○巳丑地震○
 辛卯 帝有事於八省院緣大嘗祭也○壬辰幸豐樂院賜宴群
 臣○癸巳頻御豐樂院宴飲悠紀主基二國奏風俗歌舞獻物同
 如昨儀○甲午 御豐樂殿策命曰 天皇 我 大命 止 良 万 勅 大命
 乎諸聞給 止 宣悠紀主基 尔仕奉 流 二國 乃 國司等日夜無怠事
 久務結利 勤 尔仕奉 尔依天治賜 不 又仕奉人等中 尔其仕奉狀
 乃隨治賜人毛 在 又御意 乃愛盛 尔治賜人毛 一二在故是以冠
 位上賜治賜 久 止 詔 天皇大命 乎衆聞食 止 宣授四品時康親
 王階三位從三位源朝臣弘藤原朝臣長良並加正三位從四位
 下正躬王從四位上從四位上豐江王正四位下正五位下楠野

王從四位下從五位下高原王從五位上正六位上粟田王從五位下從四位下藤原朝臣春津長岑宿禰高名正六位上源朝臣啓並叙從四位上正五位下藤原朝臣貞守橘朝臣真直並叙從四位下從五位上高階真人清上藤原朝臣大津久賀朝臣三夏並叙正五位下從五位下嶋田朝臣清田文室朝臣名繼小野朝臣千株出雲朝臣岑嗣源朝臣興中臣朝臣逸志藤原朝臣恒雄並叙從五位上外從五位下縣連氏益无位源朝臣至正六位上藤原朝臣良世安倍朝臣貞行和氣朝臣臣範紀朝臣有常和氣朝臣貞臣伴宿禰春世文室真人真文藤原朝臣藤河橘朝臣宅主耳南倫真人春成丹輝真人今繼崇麻真人真道藤原朝臣真冬紀朝臣東人中臣朝臣稔守上毛野朝臣尚行林朝臣宮吉縣犬粮宿禰小成柿本朝臣枝成並叙從五位下正六位上山田連春城朝宗宿禰吉繼春道宿禰冰藏安原宿禰岳永野宿禰加祐

麻呂並叙外從五位下養大哥五節舞人加舊儀○乙未策命曰天皇我大命良万勅大命乎衆聞給止宣神祇官人等乎始天大嘗會尔參出來天仕奉流悠紀主基二國乃國司郡司百姓及司司人止番上已上尔御物賜布又悠紀主基兩國乃主典力以下國醫師尔至万及諸郡司主長已上乃把笏者尔位一階上賜治賜布又悠紀國乃今年庸物主基國乃今年田租免賜布兩國乃卜相郡司波特御物賜止宣是日從四位下清子女王叙從四位上无位定子女主正五位下伴宿禰友子无位橘朝臣忠子並叙從四位下從五位下綾公姑繼從五位上无位藤原朝臣香子藤原朝臣貳子正六位上安倍朝臣厚子並叙從五位下○丁酉晦大稜於朱雀門前爲之解齋○十二月壬子乃詔以談路國大和大國魂神列於官社○乙巳遣使者向伊勢太神宮奉幣○丙午无品繁子内親王薨親王者嵯峨太上天皇之女母太皇太

后也容姿美艷進止有度又嬰熱病醫療難救出家爲尼馳情彼岸遂以頓逝太后哀戀○壬子遣使者賑給伯耆國飢民賜出雲國飯石仁多兩郡百姓復一年○壬戌大政官奏刑部省斷罪文曰例十一月奏之去月有大嘗祭事故延至今月參議左大辨兼春宮大夫左近衛中將陸奧出羽按察使正四位下藤原朝臣良相加從三位即日拜權中納言大藏卿從三位平朝臣高棟右大辨兼左近衛中將從四位下藤原朝臣氏宗等並拜參議賜遠江國城飼郡百姓復一年○丙寅正六位上大杵朝臣乙枝无位嶋田朝臣吉子並授從五位下冬温何以書之記異也

文德實錄

自四至六

149
40
9

東京圖書館

册	号	架	函	属	類
07	56	9	677		

皇極經世一

日本文德天皇實錄卷第四起仁壽二年正月盡十二月

大臣正二位藤原朝臣基經等奉

勅選

二年春正月戊辰朔帝御大極殿受歲賀還御南殿賜宴侍臣

皆如旧儀庚午帝朝中宮於冷然院群臣扈從者賜宴於東

釣臺五位上盡會特恩詔未得本任於還者亦預席賜祿有

差申杖幸豐樂院以覽青馬助陽氣也賜宴群臣如常○戊

子加服後國阿蘇比咩神從四位下○己卯諸衛府獻卯杖逐精

魅也○壬午外從五位下山宿祢池作為河内介大養公宿祢是

雄為攝津介從五位上藤原朝臣開主為伊賀守外從五位下山

田連春城為駿河介從五位下橘朝臣岑範為武藏介藤原朝臣

菅雄為近江介正五位下久賀朝臣三夏為信濃守從五位下紀

朝臣元弟為介右兵衛佐如故從四位上源朝臣寬為越中守刑

部卿如故從五位下山代宿祢氏益為介丹墀真人繩主為丹波

介從五位上弘宗王爲丹後守從四位下春澄宿祢善繩爲但馬
守從五位下御仲真人近人爲因幡權守飯高朝臣永雄爲播磨
權介從五位上藤原朝臣仲統爲備前介左近衛少將如故從四
位下茂世王爲讚岐權介從五位下橘朝臣常蔭爲介從五位上
小野朝臣千株爲伊豫介右近衛少將如故從五位下橘朝臣時
枝爲土佐守從五位上藤原朝臣春綱爲大宰少貳從五位下當
麻真人鴨繼爲筑前介侍醫如故從四位下雄風王爲左馬頭○
癸未賜宴侍臣踏歌如日儀○甲申 常幸豐樂院以觀射禮也
○乙酉亦 幸豐樂院觀諸衛府賭射公家以白布賜勝者其多
籌者得布亦多先王舊式也○巳丑 帝觴于近臣命樂賦詩其
預席者不過數人此復弘仁遺義所謂內宴者也○甲午授正六
位上丹墀真人繩足從五位下從七位上飯高朝臣枉世无位春
原朝臣内子並授從五位下○丙申授正六位上藤原朝臣良繩

從五位下內宴餘樂有此思弊○二月庚子地震○乙巳參議正
四位下兼行宮内卿相模守滋野朝臣貞主卒貞主者右京人也
曾祖父大學頭兼博士正五位下猶原東人該通九經号爲名儒
天平勝宝元年爲駿河守于時土出黄金東人採而献之帝羨其
功曰勤哉臣也遂取勤臣之義賜姓伊蘇志臣父尾張守從五位
上家譯延曆年中賜姓滋野宿祢貞主身長六尺二寸雅有度量
涯岸甚高大同二年春文章生試及第五年爲少内記六年轉爲
大内記十一年授外從五位下兼爲因幡介十二年授從五位下
遷爲圖書頭因幡介如故十四年 仁明天皇初在儲之日遷東
宮學士因幡介如故天長八年勅與諸儒撰集古今文書以類相
從凡有一千卷名秘府畧九年兼爲下總守太子登祚之初拜内
藏頭下總守如故數月遷爲宮内大輔兼和元年授從四位下兼
爲相模守二年遷爲兵部大輔六年兼爲大和守七年遷爲大藏

卿大和守如故八年罷大和守兼讚岐守九年遷式部大輔讚岐守如故其秋拜參議十一年春捨城南宅爲伽藍名慈恩寺貞主坐禪之餘歷遊其間時人慕之其夏上表讓式部大輔不許焉十二年陳便亘十四事事多不載議亦不行嘉祥二年春兼尾張守于時太宰府吏多不良衰弊日甚貞主上表曰夫大宰府者西極之大壤中國之領袖也東以長門爲關西以新羅爲拒加以九國二嶋郡縣闊遠自古于今以爲重鎮夫謀事以就租稅政占古語因檢日記大唐高肅新羅百濟任那等悉託此境乃得入朝或緣貢獻之事或懷歸化之心可謂諸藩之輻湊中外之關門者也因茲有德爲師戴戈良爲監典若無其人選取辨官式部頃年以來絕而不行近得飛語云彼吏或擊目閉口似避時之人或忘耻貪賤爲聚斂之吏府司困宰莫不悲傷若如此不變恐噬臍不及臣聞此語心神罔措雖此之飛語有何信據而臣子之理何不預憂

又聞少貳從五位下小野朝臣恒柯筑前守從五位下紀朝臣今守有意^執論無力矯枉未審虛實唯得耳剝臣不勝血誠伏觸逆鱗言詞切直默止不省其秋爲宮內卿二年夏授正四位下兼爲相模守仁壽二年春毒瘡發辰陽詔賜醫藥中使相望於路道俗來問者日屬衛巷嗔咽遺戒子孫云殞斂之事必從儉薄祖歿之後子孫齊供而已卒于慈恩寺西書院時年六十八時人知與不知莫不流涕愍惜貞主天性慈仁語恐傷人推進士輩隨詔汲引長女繩子心至和順進退中規仁明天皇殊加恩幸生本康親王時子內親王柔子內親王少女與子頗有風儀聞訓克脩爲天皇所幸生惟彥親主濃子內親王勝子內親王時人以爲外孫皇子一家繁昌乃祖慈仁之所及也○丁未從四位下丹波權守伴宿禰成益卒成益右京人也父從五位上宇治人成益少在大學長一習文章應進士舉遂得登科弘仁十四年爲左京少進天

長元年秋爲式部少丞七年春左轉爲右京少進九年冬叙從五位下承和三年夏爲大藏少輔冬遷右少辨十一年夏爲左中辨十二年春叙從四位下依法隆寺僧善愷訢詔事辨宮內共解却後出爲丹波權守境內肅然國人稱其廉潔成益爲入質直在公奉法不阿權貴卒時年六十四○壬子從四位下房世王爲中務大輔從五位下紀朝臣松永爲少輔從五位上並山王爲內匠頭從五位下善友朝臣豐宗爲散位頭從五位上善岑朝臣長松爲宮內大輔正五位下石川朝臣長津爲木工頭從五位下山田宿祢古嗣爲左京亮外從五位下家原宿祢氏主爲勘解由次官筆博士如故從五位上坂上大宿祢正野爲相模守外從五位下高持忌寸清貞爲安房守從五位下藤原朝臣宗吉爲左兵衛權佐藤原朝臣良世爲右兵衛權佐正五位上藤原朝臣良仁爲右馬頭中宮亮如故○丙辰播磨國言紫雲見散位從四位上和氣朝

臣仲世卒仲世者民部卿正三位清方呂第六子也天性至孝年十九爲文章生大同元年爲大學大允奉公忠謹每至寢卧首向宮闕弘仁六年遷式部大丞十年授從五位下天長元年爲北陸道巡察使四年爲近江介所得俸祿施給貧民累遷承和四年彈正大弼初臺無南門仲世奏移中院西門以爲臺門亦私以位祿買近江國高嶋郡田五町以充厨家之費七年遷爲勘解由長官十一年出爲播磨守青靜而化民不敢擾數年病卒時年六十九國人惜之○丁巳特授脩中國吉備津命神四品列於官社是夕彗星出于西方長可五丈○戊午左衛門權佐從五位下藤原朝臣宗善爲檢非違使大宰少貳從五位下橘朝臣高宗獻白鼠一頭○己未詔加甲斐國目一員○壬戌越前守正五位下藤原朝臣高房卒高房者叅議從四位上藤原弟三子也身長六尺旅力過人甚有意氣不拘細忌弘仁十三年爲右京少進累遷天長三

年為式部大丞四年春授從五位下拜美濃介威惠兼施屬託不行發掘行伏境無盜賊安八郡有陂渠隄防決壞不得蓄水高房欲脩隄防士人傳曰陂渠有神不欲遏水逆之者死故前代國司廢而不脩高房曰苟利於民死而不恨遂驅民築隄溉灌流通民至今稱之亦席田郡有妓巫其靈轉行暗噉心一種滋蔓民被毒害古來長吏皆懷恐怖不敢入其部高房單騎入部追捕其類一時酷罰由是無復噉心之毒後歷備後肥後越前等守所在有清疽發皆卒時年五十八○甲子右兵衛佐兼信濃介從五位下紀朝臣寬弟卒寬弟從四位下木津美之弟十一子參議從二位百繼之弟也弘仁十一年為內膳典膳兼和三年正月為左衛門少尉七年博為大尉十二年正月叙從五位下十三年五月為右兵衛佐嘉祥三年四月兼為因幡權介仁壽二年正月遷為信濃介卒時年五十八寂弟武藝之士督力過人登高涉深輕捷少偶追捕

京畿盜賊行穴漸以絕○乙丑從四位下藤原朝臣貞守為左中辨從五位上橘朝臣海雄為右中辨從五位下藤原朝臣冬緒為右少辨春宮坊亮遠江權守如故文室朝臣笠科為中務少輔藤原朝臣有貞為縫殿頭清原真人秋雄為信濃介左兵衛佐如故從四位下清原真人岑成為越前守茂世王為丹波守從五位下紀朝臣松永為丹後守紀朝臣有常為但馬介左馬助如故從五位上弘宗王為讚岐權守從五位下安倍朝臣貞行為右衛門權佐○三月丁卯朔日有蝕之○庚午右衛門權佐從五位下安倍朝臣貞行為檢非違使○壬申左右近衛官人已下見在陣者賜祿有差賑給京師尤貧者○癸酉近江國得莫形似狒猴異而獻之故老皆云此柶魚也昔時見有此物○甲戌授近江國筑摩神從五位下遣使者賑給播磨國飢民○丁丑詔諸大寺起四月一日迄八月卅日眾僧食時同集食堂各讀大般若經一卷以救

水旱之災永為歲事○戊寅地震○辛巳遣使者賑給河內若狹
 因播三國飢民○壬午請高僧及沙彌練行者各卅二人於東宮
 轉講天般若經限三日訖○夏四月丁酉朔 帝不御南殿待從以
 上近伏下飲賜祿有差○甲辰遣使者向五畿七道諸國奉名神
 幣○庚戌修仁王會起自宮城及于諸國設百座嘉一日二時講演
 經王○壬子授元位蕃良朝臣名門子從五位下○甲子地震○
 乙卯賀茂齊內親王禊於河濱是日始入紫野齊院○庚申加大
 和國御歲神從二位○辛酉修賀茂祭如常儀○五月丁卯朔辛
 未 天皇不御武德殿依侍騎射走馬之觀也○甲戌加山城國
 松尾神正二位○丙子除伊勢齊西宮諸司○戊子主計頭從五
 位下都宿祢貞繼卒貞繼大和介外從五位下桑原公秋成子也
 弘仁十三年與兄正五位下文章博士腹赤共上請改姓都宿祢
 天長元年四月任中務少錄五月遷為式部少錄十年正月為因

播掾兼和五年二月為式部大掾九年正月遷為備前掾十二年
 二月為主計助十三年正月叙外從五位下十四年二月轉為頭
 嘉祥三年四月叙從五位下貞繼累歷吏部祥和旧儀後到此職
 者必相訪習行之患惡瘡卒時年六十二○癸巳大和國言紫雲
 見是日甘露降於京師樹上及大和越前加賀且馬因播伯耆隱
 岐播磨長門等九國並言甘露降○六日戊戌地震○戊申使者
 賑給土左國飢民○己酉外從五位下家原連氏主為主計頭從
 五位下菅原朝臣善主為勘解由次官○乙卯相模權守從四位
 下橘朝臣真直卒真直右大臣從二位氏公弟三子也兼和初為
 內舍人遷為左馬大允七年正月叙從五位下八年為肥後介九
 年正月遷為筑後介入為中務少輔右兵衛佐嘉祥二年正月叙
 從五位上轉為右近衛少將三年正月叙正五位下為阿波守仁
 壽元年正月出為相模權守十一月叙從四位下卒時年卅七真

直性善唱歌 仁明天皇殊所憐愛也秋七月乙亥遣使者向賀
茂松尾稻荷貴布祢等名神奉幣祈雨即日得甘澍○戊卯免遠
江國城飼郡貢賦○甲申賜肥前豐後之兩國貧民一万六千餘
口復○庚刀大和國若宇加乃賣命神天御柱命神國御柱命神
等並加從四位下○辛卯以大和國都郡水神列於官社○壬辰
遣散位從五位上安宗王從五位下利見王向廣瀨竜田神社奉
幣馬爲祈年也是日六位已上借用官物薨卒死去者盡從恩免
○癸巳暴風雨復禾稼○八月乙未朔遣少納言從五位上鎌藏
王向伊勢太神宮奉幣請止風雨○辛未陸奧國伊豆佐咩神登
奈考志神志賀理和氣神並加正五位下衣多宗神石神理計段
神配志和神儻草神並授從五位下從五位下御長真人近人爲
越前守○癸丑遣使者向越前國氣比神宮奉幣○丙辰安房國
安房神大比理刀咩命神並特加從三位從四位下清原真人岑

成爲彈正大弼從五位下縣連氏益爲勘解由次官攝朝臣永範
爲下野介○巳未淡路國上言有午產憤一身兩頭○辛酉四品
吉備津彥命神奉充封北戶○癸亥地震○閏八月甲子朔日有
蝕之○戊辰授遠江國息神從五位下○乙亥大風發屋拔木○
丙子以遠江國息神列於官社 巳卯以廩院米賑給京師被風
灾者○辛巳授勳五等吉弥侯部咩外從五位下○乙酉地震○
丙戌從五位下藤原朝臣三藤爲諸陵頭○丁亥大祓於建禮門
前伊勢齊內親王將參太神宮故有此祓○戊子伊勢齊內親王
禊於鴨川○庚寅大雨○壬辰遣左近衛少將從五位上藤原朝
臣仲統右近衛少將從五位上在原朝臣行幸等向賀茂松尾大
神等社奉幣請以止雨○癸巳大祓於朱雀門前伊勢齊內親王
將參太神宮故重有此祓○九月庚子伊勢齊內親王參太神宮
帝御大極殿以遣之自餘如常儀中納言正三位安倍朝臣安

仁右中辨從五位上橘朝臣海雄等爲長送使○辛丑地震○壬
常○冬十月癸亥朔 帝不御南殿勅公卿喚侍從文人等宴賞賜祿如
○甲子加大和國御歲神正二位若宇加乃賣命神天御柱命神
國御柱命神並加從三位從五位下藤原朝臣緒數爲越前介藤
原朝臣世數爲越後守○丁卯地震遣中臣忌部兩氏人向五畿
七道諸神社奉幣賽宿禰也○庚辰地震有聲如雷○巳丑請五
十僧於東宮轉讀大般若經限三日訖○十一月巳亥地震勘解
由次官從五位下菅原朝臣善主卒善主者從三位清公弟三子
也少而聰惠美容儀有口弁年廿三奉文章生試及第承和之初
拜彈正少忠三年爲聘唐使判官兼爲播磨權大掾彈正少忠如
故復命之日叙從五位下七年拜兵部少輔明年出爲伊勢介十
四年爲越前介復拜勘解由次官病卒時年五十外從五位下家

原連氏主爲筆博士主計頭如故從五位下大枝朝臣音人爲民
部少輔東宮學士如故紀朝臣東人爲典藥頭豐任朝臣米貞爲
木工權助伴宿祢竜男爲彈正少弼安倍朝臣安正爲勘解由次
官從五位上高原王爲伊豆守○辛丑持加大和國金峯神從三
位率川坐大神御子神狹野神率川阿波神並授從五位下○甲
辰遣使者向丹波國麻氣神社奉幣○乙卯 帝親奉新嘗祭自
如常儀○丙辰 幸豐樂院賜宴群臣亦如旧儀○十二月癸亥
以美濃國伊富岐神列於官社○庚午丹後權守從五位上豐階
公安人賜姓真人大外記從五位下名草宿祢安成賜姓滋野
朝臣外從五位下大學助助教西沢人宗人賜姓滋善宿祢○乙
亥加大和國大神主神從二位○丙子加駿河國三嶋大神從四
位下阿波咩命神物忌寸奈命神伊古奈比咩命並加正五位下
阿米都和氣命神伊太豆和氣命神阿豆佐和氣命神波布比咩

命並加從五位上○庚辰加左大弁正四位下小野朝臣篁從三位○辛巳天台沙門素然卒沙門者 嵯峨大上天皇之子也賜姓源朝臣名明性甚朗悟 天皇好文書欲教諸子皆有才學知明奇器 勅勸對策天長九年正月叙從四位上為大學頭兼和五年正月兼為加賀守六年正月遷除近江守九年正月轉為播磨守大學頭如故七月遷太上天皇崩服解八月復任俄而遷為左京大夫九月更兼為播磨守十三年正月加正四位下為刑部卿十四年正月兼為越中守嘉祥元年正月遷為阿波守二年二月為參議從初兼勅勉勵切諸子百家略以閱覽晏駕之後哀慕感恨云誰為為之不遂其業飯心佛道離遠俗塵遂為沙門終于山中時人高其節操皆以感慕○癸未參議左大辨從三位小野朝臣篁參議正四位下岑守長子也岑守弘仁之初為陸奧守篁隨父客遊使放於鞍後飯京師不事學業 嵯峨天皇聞

之難曰既為其人之子何還為弓馬之士乎篁由是慚悔乃始志學十三年春奉文章生試及第天長元年拜巡察彈正二年為彈正少忠五年遷為大內記七年為式部少丞九年授從五位下拜大宰少貳有詔不許之官其履哀父哀毀過禮十年為東宮學士俄拜彈正少弼承和元年為聘唐副使明年奉授從五位上兼備前權守數月拜刑部大輔三年授正五位下五年春聘唐使等四船次第泛海而大使參儀從四位上藤原常嗣野駕弟一船水沃穿缺有詔以副使弟二船改為大使弟一船篁抗論曰朝議不定再三其事亦初定船次第之日擇取最者為弟一船分配之後再經漂迴今一朝改易配當危器以已福利代他客損論之人情是為逆施既無面目何以率下篁家貧親老身亦尪瘠是篁汲水採薪當致匹夫之孝耳執論確乎不復駕船近者太宰鳴崎館有唐人沉道古者聞篁有才思數以詩賦唱之每視其和常羨艷藻六

年春正月遂以捍詔除爲庶人配流隱岐國在路賦謫行吟七十韻文章奇麗興味優遠知文之輩莫不吟誦凡當時文章天下無双草藜之工古二三之倫後生習之者皆爲師模七年夏四月有詔特徵八年秋閏九月叙本位十月任刑部大輔九年夏六月爲陸奧大守秋八月入拜東宮學士其月兼式部少輔十二年春正月授從四位下于時法隆寺僧善愷告少約言登義朝臣直名爲寺檀越狂法狀訖之大政官加訊鞠漸將讞斷而世論嗾之爲善愷成私曲由此朝廷更論此事延至分爭名例律私曲相須之二義或以爲一或以爲二并官比下還羅其網遂令明法博士讀岐朝臣永直考之考曰私曲兩犯混處一科是相須之義也嘗今之吏只有一犯不足結罪事未斷畢十三年五月爲權右中并新關其事即按律文以爲私與曲明是一也若私若曲有一於此未免其罪而連涉日月不肯決斷仍上請議定私曲律義之表並野執

狀以私法處之不熟律義明并官之可處私罪望初恨此論之不平作傷時詩卅韻寄參議滋野朝臣貞主後重令諸儒傍儀其文曰被右大臣宣備奉勅按參議小野篁朝臣上表及所執律文義定可考由謹依宣旨覆案律文公罪謂緣公事致罪而無私曲者疏云私曲相須公事與奪情無私曲雖達法式是爲公坐云云私罪條疏云私罪謂不緣公事私自犯者雖緣公事意涉阿曲亦同私罪者由此案之私者不緣公事私自犯之名曲者由緣公事意涉阿曲之謂也相須則私與曲二事相待之理然則無私無曲可爲公罪一私一曲不免私罪而永直等說云私曲者謂私之曲相須者合私曲兩字爲一義以連讀之意云云者文義相錯公私不分此說之迂難可擬信望朝臣所執誠爲允愜九月遷左中辨十四年春正月爲參議四月兼彈正大弼十五年春正月兼信濃守夏四月又兼勘解由長官仁壽二年春正月輔右大并餘皆如故明

年春正月加從四位上夏五月以病辭官家三年四月加正四位下仁壽元年春正月遙授近江守明年春病瘳後為左大弁後又病發不朝 天皇深為矜憐數遣使者趨視病根資賜錢穀冬十月就家叙從三位及因篤命諸子曰氣純則殮莫令人知薨時年五十一篁身長六尺二寸家素清貧事母至孝公俸貯嘗皆施親友 ○丁亥 勅五畿內七道諸國請練僧讀金剛般若以資疫神

日本文德天皇實錄卷第四

日本文德天皇實錄卷第五 起仁壽三年正月盡十二月

右大臣正二位臣藤原朝臣基經等奉

勅撰

三年春正月壬辰朔 帝御大極殿以受歲賀還御南殿賜宴侍臣皆如常儀 ○戊戌 幸豐樂院觀青馬賜宴群臣亦如舊儀授從四位上伴宿祢善男正四位下從四位下道野王藤原朝臣氏宗等並從四位上无位常世王從四位下從五位上豐前王正五位下從五位下善永王益善王等並從五位上正六位上正岑王仲井王真貞王等並從五位下從四位下藤原朝臣輔嗣諸成等並從四位上從五位上田口朝臣房富笠朝臣年嗣丹墀真人門成藤原朝臣貞本在原朝臣行平藤原朝臣仲統等並正五位下從五位下藤原朝臣本雄百濟王永善清原真人秋雄廣宗宿祢系繼文室朝臣笠科藤原朝臣良方山田宿祢古嗣橘朝臣永範南淵朝臣年名紀朝臣今守坂上大宿祢貞守源朝臣慥等並從五位上外

高階真人
從類
要圖史

從五位下朝妻造清主清內宿祢園繼正六位上源朝臣平橘朝臣安
永平朝臣實雄藤原朝臣弟男藤原朝臣岑主諸萬和氣朝臣春
生藤原朝臣秋緒紀朝臣貞嗣橘朝臣取雄紀朝臣野鷹當麻真
人清雄伴宿祢安道大春日朝臣高庭佐伯宿祢子房高橘朝臣
安野等並從五位下正六位上有宗宿祢益門山口忌寸西成御
輔朝臣水道物部旅範菅原朝臣梶成安野造子香燼等並外從
五位下○巳亥正四位下藤原朝臣古子明子等並授從三位從
五位上崇麻真人真伊止子從四位下死位安倍朝臣德子大枝
朝臣氏子等並從五位下從七位下秦忌寸嶋子外從五位下○
辛丑授死位橘朝臣房子從四位下○癸卯諸衛府獻祝杖內侍
傳旨○甲辰地震○丁未賜宴侍臣踏哥如常三品忠良親王為
上總太守參議從四位上藤原朝臣氏宗為左大辨從四位下藤
原朝臣貞守為左大辨參議正四位下藤原朝臣助為近江守左兵

衛督如故從五位下紀朝臣貞守為少納言從五位上橘朝臣海
雄為左中辨文室朝臣助雄為右中辨藤原朝臣冬緒為左少弁
春宮亮遠江守如故小野朝臣恒柯為右少弁橘朝臣門雄為大
監物正五位下菅原朝臣是善為大學頭文章博士加賀權守如
故從五位下佐伯宿祢真持為山城介從五位上鎌藏王為大
和權守外從五位下清村宿祢是嶺為介從五位下藤原朝臣秀
雄為河內守安倍朝臣氏主為參河守大原真人真室為介從四
位下時宗王為相模守從五位下藤原朝臣安雄為介外從五位
下朝宗宿祢吉繼為下總介從五位下藤原朝臣正世為常陸介
佐伯宿祢雄勝為近江權介從五位上紀朝臣今守為美濃守正
五位下久賀朝臣三夏為信濃守從五位上坂上大宿祢正野為
越後權守從四位上正躬王為丹波守治部卿如故外從五位下
春道宿祢永藏為因幡介從四位上源朝臣多為美作守宮內卿

如故從五位下吉備朝臣全繼爲介正五位下在原朝臣行平爲備中權介右近衛少將如故從五位下百濟王安宗爲安藝介三統宿祢真淨爲周防守真貞王爲長門守伴宿祢須賀雄爲土佐權守滋野朝臣善蔭爲大宰少貳紀朝臣在常爲右兵衛佐但馬介如故和氣朝臣臣範爲左馬助○戊申停大射禮但勅公卿令諸衛府於豐樂殿前射○己酉亦賭射○癸丑內宴如常○二月癸亥加筑前國宗像神正五位下○乙丑 帝覽藏鈞戲左右相分飛鳥遊附者不禁○甲戌治部少輔兼齊院長官從五位下藤原朝臣閑雄卒閑雄者刑部卿從三位真夏弟五子也天長二年春奉文章生試及弟閑雄少習屬文性好閑退常在東山舊居耽愛林泉時人呼爲東山進士美和元年秋淳和太上天皇嘉其爲人特詔徵之閑雄辭而不獲遂忝 詔命 天皇賜以優禮從事左右明年拜勘解由判官劇務繁併既非其好數月遷少判事關

雄尤好鼓琴 天皇賜其秘譜由是雅調稍妙閑雄亦能草書南池雲林兩院壁皆令閑雄書之也六年授從五位下累遷嘉祥四年治部少輔仁壽二年兼齊院長官以病辞退遂不被免卒時年四十九○庚辰 帝自東宮移幸梨下院此院先代別館也在左近衛府西制日利國通規公謙爲本安民茂躅損挹厥初朕薰暎未施化跡仍踈恐黎氓之不親望列辟以慙德而今所生男女皆嘗享封爵之重疏湯沐之用思其煩費內以忸怩竊見乃祖聖皇貽厥之謀除親王之号賜朝臣之姓變代相公已爲成式誠宜陶聖風而長扇共源氏而混流但前号親王不在此限同母後產亦後一例慶雲之惠旣無愛憎若樹之華更有濃淡蓋以域中大室在屈已以利以天下至公欲損上以益下普告中外咸俾聞知○庚寅晦 帝幸冷然院翫景物也賜侍臣祿有差即日亦幸右大臣藤原朝臣良房弟以覽櫻花置酒興樂六位已上會者祿各有

差是月京師及畿外多患疔瘡死者甚衆天平九年及弘仁五年有此瘡患今年復不免此疫而已○二月甲午加從三位源朝臣潔姫正三位授正六位下難波連漫麻呂外從五位下緣去月遊賞右大臣弟而恩及家人也○丁酉授大外記外從五位下滋野朝臣安成從五位下授正六位上完人朝臣繼成外從五位下○戊申地震○王子請名僧百口於大極殿轉讀大般若經限三日訖攘灾疫也大和守正五位下丹墀真人門成卒門成者從五位下內藏助兼右衛土佐豐長之子也性甚剛直大司之初拜巡彈正弘仁之初為少判事九年為大和少掾十一年轉為大掾天長三年授從五位下五年為丹波介土民庶戾不順教化旧号難治門成施以猛政笞罰為先廳吏之前箠楚如積數年部內大理民至今稱之九年為治部少輔十年為備前介兼和九年叙從五位上十年為刑部大輔十二年為宮內大輔後遷為武藏守所部曠

遠盜賊充阡門成下車未幾風俗肅清新猾斂手嘉祥三年為大和守豪宗右姓縱放不制門成施政自如無所迴避境內夷晏民皆戴之今年叙正五位下病卒於宮門或雖無才學長於從政所到之處必樹風聲○丁巳以穀倉院勅塩給京師患疔瘡者○戊午越中權守從五位上紀朝臣椿守卒椿守春宮亮從五位上白滿長子也弘仁四年正月為大內記十一年正月為典藥助十二年正月叙從五位下為上總介十三年正月為安房守兼和五年正月加從五位上仁壽元年正月為越中權守卒時年七十八椿守江於於於書尤得其節教海昏時簡好手椿守前後再昏皆盡其善朝廷羨之○夏四月壬戌地震○丁卯從五位下藤原朝臣岑主為齋院長官○庚午遣侍從從五位上嶋江王神祇大副兼內藏頭從五位上中臣朝臣逸志等向伊勢太神宮請除灾疫從五位下三統宿祢真淨為中宮大進藤原朝臣良繩為內藏助從

五位上益善王爲大藏大輔正五位下豐前王爲大和守○甲戌
大內記從五位下和氣朝臣貞臣卒貞臣守和仁播磨守從四位
上仲世第三子也數歲喪母哀戚過禮叔父參議真綱深相矜愛
弱冠從治部卿安倍朝臣吉人受老莊吉人奇之後入大學研精
不息廿四舉秀才廿八對策不得其弟兼和十四年拜大學大允
嘉祥元年遷大內記仁壽元年冬十一月授從五位下患施瘡卒
于宮時年三十七時人惜之貞臣爲人聰敏質朴少華性甚畏雷
不留意小藝唯好圍碁至於對敵交下不覺日暮夜深○戊寅死
品成康親王薨親王者仁明天皇弟八子也母右大臣從二位
藤原朝臣三守女贈從二位貞子也親王幼而岐嶷有成人之志
天皇殊奇愛之流天皇崩後未經幾歲不耐施瘡之患遂以殞
逝○乙酉以施瘡流行人民疫死故停賀茂祭遣待從從五位上
嶋江王神祇大佑從七位上忌部宿祢高善等向社下申謝事由

但山城國司齋供如常○丙戌 詔曰皇王建極布政貴其順時
聖哲凝規宣風欲其心能故能裁成庶物覆燾之德克隆光宅八
挺全濟之功斯遠朕以寡德忝統鴻基旰日勿休夜忘寢非貪
四海之富非念九重之尊只欲導仁壽以寘群生息勞役以安万
姓而誠款未申咎徵斯應施瘡之疫流行札瘥之嗟競起當春夏
陽和之時草木皆有以藥而吾百姓愁病之人或陷於死亡朕之
不德撫育非方憂惕之誠聞知攸濟月令春夏下寬大之令頒德
化之政以順天帝以救災變有司務脩職任欽奉時訓罪疑從輕
賞疑從重貴埋背掩骸之仁崇養老矜孤之德其自今日昧爽以
前大辟以下罪無輕重未發覺已發覺未結正已結正繫囚見徒
咸皆赦除但八虐故殺謀殺私鑄錢強竊二盜常赦所不免者不
在赦例令天下州郡勿輸羨和十年以往調庸不進優復百姓息
當年徭十日其疫病者長史親自巡視給醫藥諸所極瞻務令優

速賡隱恤之旨致感革於上玄仁貸之風蠲凶札於中壤○戊子
備中守從四位上源朝臣安卒安 嵯峨太上天皇子也母粟田
氏性懶文昏好習射藝兼和十二年叙從四位上嘉祥三年正月
任備中守卒時年卅二○五月癸巳詔相摸上總下總常陸上野
陸奧等六國寫一切經六國各分部帙寫得上之○甲午停騎射
走馬之觀以灾疫也○己亥從五位下藤原朝臣野主爲齊院長
官○庚子詔十七寺讀大般若經限三日訖攘灾疫也○壬寅亦
詔大宰府於觀音弥勒兩寺並四王院香推廟管内國分寺讀大
般若經從五位上藤原朝臣並藤正五位下授正六位上中臣志
斐連春繼外從五位下復罪人和氣朝臣齊之讚岐朝臣永直等
爵是日並藤卒並藤參議從三位刑部卿大宰負外師勳四等濱
成之曾孫中判事正六位上臣繼之孫豐前介正六位上石雄之
子也並藤善陰陽推步之學明曉天文風星初爲丹波權掾天長

三年留爲陰陽助六年正月叙從五位下七年爲筑後守九年二
月爲陰陽頭兼和四年爲和泉守七年正月還復陰陽頭十四年
正月兼爲加賀守嘉祥三年正月叙從五位上今日加正五位下
優其才學少倫年齒衰落也時年六十二○癸卯詔武藏信濃兩
國寫一切經各一部○乙巳无品齊子内親主薨親王 嵯峨太
上天皇弟十二女也母正五位下文室真人久賀麻呂之女從五
位上下文子也親王適三品大宰師葛井親王内外戚皆耻其非成
礼○庚戌大宰府上言壹岐嶋女子伴部刀自賣學生三男勅賜
正稅三百束及乳母一人○辛亥尾張國從五位上真清田神并
无位大縣神並授從四位下授外從五位下完人朝臣繼成從五
位下繼成有不可叙外位之愁故改授詔義濃國出穀二千一百
斛給患疔瘡者○甲寅加贈正五位下橘朝臣逸勢從四位下○
戊午參議正四位下左兵衛督兼近江守藤原朝臣助卒助贈左

大臣從一位內麻呂第十一之子也少遊大學頗涉史傳弘仁十三年九月爲少判事同年十一月爲兵部少丞十四年二月爲大學助天長元年二月爲出雲介四年正月爲春宮少進五年閏二月爲式部大丞六年正月叙從五位下即爲遠江介八年七月爲春宮坊亮十年二月爲右近衛少將三月加正五位下兼使轉權中將兼和元年正月叙從四位下四年正月兼爲尾張守六年正月加從四位上九年七月爲左兵衛督轉爲右衛門督十年二月拜參議十三年正月遷爲治部卿十五年正月更爲左兵衛督嘉祥三年四月加正四位下四年正月兼爲信濃守仁壽三年正月兼爲近江守庖瘡之後緣不慎治而卒時年五十五助心性清直不憚毀譽朝廷之士爲之跼踖○六月辛酉侍醫外從五位下菅原朝臣梶成卒梶成右京人也葉練醫術取解處療又作療兼和元年從聘唐使渡海朝廷以梶成明達醫經令其請問疑義五年春解纜着於

唐岸六年夏歸本朝路遭狂飈漂落南海風浪緊急鼓船航俄而雷電霹靂梶子摧破天晝黑暗失路西須臾寄着不知何處嶋嶋有賊類傷害數人梶成殊祈願佛神儻得全濟與判官良岑長松等合力即採集破船材木造一船共載余時便風引船得着此岸朝廷喜其誠節十年爲鍼博士次爲侍醫卒於官○癸亥一品大宰帥葛原親王薨親王者桓武天皇之弟三子嵯峨太上天皇之兄也母夫人多治比氏延曆廿二年正月四品四月爲治部卿大同元年五月爲大藏卿三年正月爲彈正尹四年九月叙三品弘仁元年九月爲式部卿三年正月兼爲大宰帥七年正月叙二品十四年十月更爲彈正尹天長七年正月兼爲常陸大守八月更爲式部卿八年正月叙一品兼和五年正月兼爲上野大守十一年正月兼復爲常陸大守嘉祥三年遷爲大宰帥親王少而惠了歷覽史傳常以古今成敗爲戒爲人恭儉不傲於物久在式部

諸職務凡在旧典莫不達練舉朝重之勅賜輦車入宮禮儀異諸
親王薨時年六十八朝廷監喪薨儀如常王家推謝專從儉薄不
敢違遺令也○丁卯以尾張國大國_二神大御_一神憶感神等列
於宮社○巳巳以大和國金峯神預於名神前豐後權守從五位
下登美真人直名卒直名從五位下藤津之子也弘仁十三年二
月爲主膳監正天長二年七月爲美濃大掾三年正月遷爲近江
大掾四年正月叙從五位下七年正月爲大和介兼和二年九月
爲大判事九年正月爲散位頭十一年二月遷爲少納言十四年
正月出爲大宰少貳嘉祥二年正月叙從五位上八月遷爲豐後
權守秩滿未得放還卒時年六十二直名頗有才學口弁過人抑
屈已者必酬以彼所病故議者疾之法隆寺僧善愷訖訟事遂延
及弁官除名此類也○庚午 帝不御神嘉殿_一所司奉祭加常儀
以尾張國多天神預於名神皇子能有時有本有載有皇女憑子

謙子列子濟子與子等賜姓原朝臣隸左京職行前日詔也○甲
戌以伊豫國村山神預於名神○秋七月庚寅朔參議從四位上
藤原朝臣_一氏宗爲近江守左大弁右近衛中將如故從五位下藤
原朝臣良繩爲侍從內藏助如故大枝朝臣_一普人爲大內記民部
少輔如故平朝臣實雄爲治部少輔藤原朝臣岑主爲大藏少輔
齊院長官如故坂上大宿祢當宗爲掃部頭從五位下春日朝臣
繼爲越中權守大學博士如故吉備朝臣_一全繼爲美作介從四位
上源朝臣多爲備中守宮內卿如故從四位上源朝臣_一冷爲讚岐
守○癸巳地震○甲午以駿河國淺間神預於名神○辛丑加尾
張國多天神從五位上○壬寅特加駿河國淺間大神從三位○
甲辰地震○丁未遣散位從五位下全世王神祇大副從五位下
中臣朝臣逸志散位從五位下齊部宿祢伴主等向伊勢太神宮
奉幣禳灾_一診也○庚戌從五位下春枝王爲中務少輔藤原朝臣

三藤爲陰陽頭從五位下伴宿祢春世爲治部少輔從五位上良岑朝臣長松爲諸陵頭從五位上藤原朝臣本雄爲刑部大輔文室朝臣笠科爲宮內大輔從五位下藤原朝臣備雄爲掃部頭藤原朝臣真冬爲左京亮從五位上山田宿祢古嗣爲相模權介從五位下平朝臣實雄爲信濃守和氣朝臣巨範爲陸奧權介正五位下藤原朝臣行道爲美作守○辛亥地震○丙辰賜薩摩國孝女挹前福依賣爵三級終其身旌表門閭依賣天性至孝父年耆八十老病着床無子唯一女福依賣扶侍左右嘗藥二十余年傭力致養曉夕辛勤容顏焦瘦觀者憐之福依賣雖云野族闕於禮儀恭敬父母有所諮稟必正色作色未曾藝情○八月己未朔西京失火延燒百八十餘家○丙寅從四位下藤原朝臣貞守爲參議從五位下利見王爲少納言從五位下縣犬養大宿祢氏河爲肥後權介○戊辰賜伯耆國百姓復一年○辛未五世王正六

位上春常王六世正六位下田上王春世王等並賜姓文室朝臣○癸酉加正二位勳一等氣多大神封戶十烟位田二町○庚辰從三位建御名方八坂前富命神祝預於把笏○壬午地震散位從五位下百濟朝臣河成卒河成木姓余後改百濟長於武猛能引強弓大同三年爲左近衛以善圖書屢被召見所寫古人真及山水草木等皆如自生昔在宮中令人喚從者或人辭以未見顏容河成即取一紙圖其形體或人遂驗得其機妙類如此今之言畫者咸取則焉弘仁十四年拜美作權少目天長十年授外從五位下累遷承和年中爲備中介次爲播磨介時人榮之卒時年七十二○九月戊子朔大風發屋拔木○丙申重陽宴也 帝不御南殿勅公卿召侍從文人等賜菊酒一如常儀但以天下有災不舉音樂是日僧正延祥大法師卒延祥俗姓槻木氏近江國野洲郡人也數歲辭家師事僧正護命護命察其敏惠如意教誘延

曆七年受具足戒其年護命於春日寺講涅槃經延祥預聽焉時
護命問延祥曰汝有夢乎荅曰有之護命曰爲我言之延祥曰夢
臥七重塔上介時三日並出光照身上護命曰吉不可言慎勿語
以天長七年春於大極殿說取勝王經諸宗智者論難鋒起延祥
敏對不滯聽者莫不歎服仁壽元年稍轉拜僧正病卒春淡八十
五夏薦六十八○辛丑詔大宰府出穀三萬八千七百石賑給
管内患飧瘡者冬十月己未地震是日虹見於大政官廳前○丁
卯帝御南殿賜宴侍臣祿各有差○戊辰但馬守從四位上春
澄宿稱善繩賜姓朝臣攝津國奏言長柄三國兩河頃年橋梁斷
絕人馬不通請准堀江川置二隻船以通濟渡許之○癸酉安藝
國佐伯山縣沙田三郡今年徭役恤窮民也從五位下興岑王爲
中務少輔正四位下南淵朝臣冰河爲因幡守從五位下春枝王
爲正親正小野朝臣貞樹爲甲斐守○丙子招提寺田地百七十

八町四段三百廿三步永爲傳法田初室龜中大唐和尚鑑真
得此地施入寺家其後逐年墾闢頃畝增廣以功德故聽不輪祖
○己卯授加賀國白山比咩神從三位文章博士正五位下菅原
朝臣是善奏請文章生未出身者及弟之後不經勸籍預考例許
之遠江國奏言廣瀨河旧有郵船二艘而今水濶流急不由利涉
公私行人擁滯岸上請更加置二艘以濟羈旅之難許之○壬午
性僧網策命曰天皇我詔旨止法師等白左開宣勅命乎白大僧都長
訓乎僧正尔少僧都實敏乎大僧都尔少僧都真濟乎權大僧都尔權律
師明詮律師真雅乎少僧都尔大法師壽仙乎律師尔大法師惠運乎權
律師尔任賜事乎白左部宣勅命乎白○十一月己亥地震○
癸卯帝不御神嘉殿所司奉祭如常儀甲辰幸豐樂院賜宴
群臣如常儀○癸丑以遠江國敬滿神冥預於名神○甲寅加外
從五位下九部嶋繼從五位下○十二月甲子陰陽寮奏言使諸

國郡及國分二寺。執陰陽書法。每年鎮害氣從之。○丁丑相模權
介從五位上山田宿禰古嗣卒。古嗣右京人也。越後介外從五位
下勲六等。益人之長子也。爲人廉謹而寡言辭。幼歲喪母。敬事從
母。天性篤孝。嘗讀昏傳。至於樹欲靜而風不止。子欲親而親不在。
流涕不禁。卷帙爲之沾濡。弘仁十二年。遭父憂。哀毀過禮。天長三
年。爲陸奧按察使。記支五年。爲少內記。六年。遷爲少外記。元年。轉
爲大外記。公卿大臣以備顧問。推薦文士。多見納用。故人仰之。
三年。出爲阿波介。政績有邑。阿波養馬兩郡常羅旱災。古嗣殊廻
方畧築波蓄水。賴其灌溉。人用温給。後爲相模介。病卒於官。時年
五十六。

日本文德天皇實錄卷第五

日本文德天皇實錄卷第六 起齊衡元年正月尽十二月

右大臣正二位臣藤原朝臣基經等奉

勅撰

齊衡元年春正月丙戌朔。停朝賀。以雨後泥深也。帝御南殿。賜
宴侍臣。如常儀。今日朔日。立春也。○丁亥。大宰府貢赤腹魚。承前
元日貢之。延至今日。緩之。故書諸衛府。獻卯杖內侍傳旨。○壬辰。
於本院賜宴群臣。一如常儀。授無品國康親王四品正五位下。
高枝王從三位從五位上。弘宗王正五位下。從五位下。春枝王從
五位上。无位內宗王正六位上。美奈止王等並從五位下。從四位
上。藤原朝臣衛長岑。宿禰高名等並正四位下。從四位下。清原真
人有雄。從四位上。正五位上。藤原朝臣良仁。從四位下。從五位上。
坂上大宿禰正野。橘朝臣海雄等並正五位下。從五位下。藤原朝
臣長生。紀朝臣松永。伴宿禰龍男。物部首廣泉。藤原朝臣冬緒。大
枝朝臣音人。良岑朝臣清風等並從五位上。外從五位下。名草朝

臣豐成管野朝臣繼門從川山田宿祢文雄朝臣繼門從宿祢良道正六位上
 平朝臣有世源朝臣直藤原朝臣萬枝伴宿祢河男繼門從滋野朝臣善
 根橘朝臣三冬藤原朝臣宜笠朝臣豐興石川朝臣宗繼淡海真
 人貞主藤原朝臣廣基橘朝臣淨氏管野朝臣河道大神朝臣千
 成等並從五位下正六位上管野朝臣第門御船宿祢彦主山口
 宿祢稻床水取連繼雄等並外從五位下○癸巳從四位上廣井
 女王正四位下當麻真人浦定等並授從三位正五位下藤原朝
 臣多可幾子從四位下无位藤原朝臣能子藤原朝臣在子葉栗
 臣乙真等並從五位下從七位上御使朝臣福子无位山村近子
 等並外從五位下○辛丑四品國康親王為上野大守參議從四
 位下藤原朝臣貞守為下野守右大弁如故參議正四位下伴宿
 祢善男為讚岐守中宮大夫式部大輔如故從五位下藤原朝臣
 岑主為右少弁外從五位下有宗宿祢益門為主計助竿博士如

故榎井朝臣鳴長為主稅頭從五位上藤原朝臣氏雄為大藏大
 輔益善王為攝津守從五位下藤原朝臣真冬為伊勢介從五位
 上豐階真人安人為尾張權守從五位下高橋朝臣淨野為駿河
 守文室朝臣有真為相模權守從五位上文室朝臣笠科為武藏
 守從五位下伴宿祢三宗為權介鎮守將軍如故從五位下笠朝
 臣豐興為上總介三統宿祢真淨為美濃介中宮大夫如故紀朝
 臣道茂為信濃介左衛門佐如故從五位上伴宿祢竜男為越後
 守從五位下清内宿祢園繼為但馬介大春日朝臣高庭為出雲
 守安倍朝臣有道為石見守小野朝臣恒柯為播磨守藤原朝臣
 良繩為播磨介侍從内藏助如故從四位上源朝臣主為美作守
 左京大夫如故從五位下藤原朝臣秋緒為備中介從四位下清
 原真人龍雄為安藝守從五位下伴宿祢河男為周防守紀朝臣
 真高為紀伊守藤原朝臣且為阿波介紀朝臣有常為讚岐介左

兵衛佐如故藤原朝臣萬枝爲伊豫權介從五位下山口宿祢稻
床爲豐後介從五位下藤原朝臣良世爲右兵衛佐○壬寅停大
射但令諸衛府等於殿前射○癸卯亦停賭射○丙午宴命樂賦
詩皆如常儀○癸丑 帝親於中宮賜宴侍臣祿各有差○二月戊
辰詔大和國修灌頂經法攘災疫也○庚午詔尾張國課口三分
之一持從優優河流漲溢民多病水故降此恩○辛未請僧五十
二人於內裏讀大般若經限三日訖從五位下百濟王教疑爲侍
從安陪朝臣有道爲大主鈴從五位上橘朝臣枝主爲圖書頭從
五位下和氣朝臣齊之爲治部少輔從五位下嶋江王爲諸陵頭
從五位下橘朝臣常蔭爲大判事伴宿祢春世爲大藏少輔從五
位上良岑朝臣長松爲宮內大輔從五位下安陪朝臣安正爲彈
正少弼外從五位下津宿祢良友爲左京亮從五位下橘朝臣高
成爲左京亮齊部宿祢水上爲勘解由次官橘朝臣春成爲齊院

長官伴宿祢河男爲鑄錢長官周防守如故藤原朝臣長基爲石
見守伴宿祢宗爲備後介大判事如故乙亥遣使者賑給丹後國
飢民○三月辛卯越中國高瀨二上兩神並加從三位○壬辰授
伊豫國御玉姬神從五位下○癸巳賜下野國節婦秦部總成女
爵二級復終其身旌表其門閭總成女者秦部正月滿之妻也性
至謹篤正月滿亡後撫養遺孤不復再醮持節於固常修功德追
資其夫兼願及一切衆生國內稱之○戊戌加相模國寒河神從
四位下從五位下菅野朝臣繼門爲大外記從五位下丹墀真人
氏永爲諸陵頭飯高朝臣永雄爲刑部少輔外從五位下神直虎
主爲參河掾待醫如故從五位下朝原宿祢良道爲播磨權介正
五位下在原朝臣行平爲備中介右近衛少將如故○甲辰元品
宗子內親王薨親王嵯峨太上天皇弟八女也母從四位上高階
真人淨階之女從五位上河子也親王性操貞潔資給寒素至于

終身遂無瑕釁○丁未石見國奏請以公廩稻三万五千餘束賑給飢民許之春寒殞霜何以書之記灾也○夏四月乙卯朔勅公卿於右兵衛陣下賜飲侍從有恩非侍從者亦預席日暮賜祿有差○丙辰授河內國大雷火明神從五位下散位從四位下橘朝臣百枝卒從四位上綿裳之子也延曆十八年為內舍人大同二年為常陸貞外掾弘仁十三年叙從五位下天長七年正月叙從五位上為伊勢介兼和十三年正月叙正五位下十五年四月叙從四位下百枝不解文各好在應天年至八十漢獵無息剃頭為僧不葷完家在大和國山邊郡池堤類破洪流湧溢倉舍家口悉皆漂失百枝獨繫樹抄纜得存命散位百濟王教福卒教福從四位下安義之子也嘉祥三年正月叙從五位下卒時年卅八○丁巳進傳灯大法師位智戒興智真秀傳灯法師位明昭玄永傳灯滿位僧基藏基秀向七道諸國名神社轉讀般若祈民福也○癸

亥園神韓神並加從三位○丁卯帝自梨下院移御冷然院五位已上扈從者賜宴於釣臺○癸酉以有穢更停賀茂祭但山城國司齊供如常○庚辰詔曰夫人之至親莫親於母子故子登尊位則貴於母古先哲王未有違之者朕以不造夙罹閔凶憂深思遠若無涯此之時有嵯峨太皇太后淳和太后並存朕以尊母之典雖光故實而申獻之制存亡異礼故以所生藤氏為皇太后却美謙損之美以招後福然今太皇太后山陵之夏既歷多年而淳和太后未進徽号所生藤氏猶稱夫人人子之礼何意能安凱風自南之時取咸長艱之恩敢咨舊章奉崇尊号夫尊皇太后為太皇太后皇太夫人為皇太后載育万邦厚德無疆俾我瀛瀛永有所賴是日肥前豐後兩國百姓寄困者九千余人復一年○辛巳有鳥集殿前松樹俗名古々鳥其鳴自呼勅左近衛將曹神門氏成射之志弦而墜帝甚稱善賜絹數足○壬午陸奧國奏

曰去年不登百姓困窮兵士逃亡已多屯戎今虎狼之類爭事強盜逆亂之萌近在目前請發援兵二千人以備不虞勅許發一千人○五月戊子停騎射走馬之觀○戊戌勅陸奧國以穀一萬石賑給俘夷○庚子地震○甲辰從五位下笠朝臣豐興為河內守橘朝臣高宗為上總介橘朝臣仲宗為肥後介○乙巳從五位下藤原朝臣貞敏諸葛三統宿祢真淨等為次侍從○己酉賜加賀國節婦和迹部廣刀自女爵二級廣刀自女年十四適山城國人秦真勝真勝亡後廬於冢側于今卅餘年追慕其夫害及哀泣是月甚寒山北微雪記災也○六月甲寅朔以天和國金岑神預於相掌月次並神今食祭也○甲子 帝不御神嘉殿野司奉祭如常儀○丙寅左大臣正二位源朝臣常薨大臣是嵯峨太上天皇子源氏第三郎母飯高氏太上天皇見其操行深沉風神清爽寵愛殊於他子矣天長五年正月叙從四位下七年六月叙從四位

上為兵部卿八年正月叙從三位九年十一月為中納言十年三月加正三位兼和四年六月兼為左近衛大將五年正月為大納言七年八月為右大臣兼為皇太子傳傳十一月叙從二位十一年七月轉左大臣嘉祥三年四月叙正二位薨時年卅三大臣容儀閑雅言論和順才能之士推引而進說佞之徒惡而不親時人為誠是兼相之器也○丁卯賜正一位朝廷依伯遣監喪賜位使等依有遺令喪家確辭不受○丙子大法師惠達為律師○丁丑請僧卅二口於冷然院讀大般若經限三日訖○己卯加伊豆國三嶋神從四位下阿波咩命神物忌奈命神伊古奈比咩神並正五位下阿米都和氣命神伊大豆和氣命神阿豆和氣命神波布比咩命神等並授從五位上○壬午加肥後國健磐龍命神封卅戶○癸未地震秋七月甲申朔日有蝕之○甲辰從五位上藤原朝臣本雄為伊勢權介刑部大輔如故○乙巳備前

國貢一伊蒲塞斷穀不食有勅安置神泉苑男女雲會觀者架肩
市里爲之空數日之間遍於天下呼爲聖人各々私願伊蒲塞仍
有許諾婦人之類莫不眩惑奔叩得月餘日或云伊蒲塞夜人定
後以水飲送數升米天曉如廁有人窺之米糞如積由是邑債
時減折兒婦人猶謂之米糞聖人○丙午石見國言醴泉出三日
乃酒○巳酉詔遠江國以剩田七町施尼妙長 庚戌遣使者向
伊勢太神宮豫請止風雨是日暴風祭屋拔木須臾甚兩洪水汎
溢嘗時有識甚有疑恠○八月癸丑朔地震如置陸奧國少掾一
負○丙刀皇太子始謁親○戊辰陸奧國馳驛上奏鎮守將軍從
五位下伴宿祢三宗卒三宗者正六位上真意之子也真意是正
五位下氏上之子也三宗元名健宗嘗伴健岑配流之時惡避其
相涉改爲三宗嘉祥四年正月叙從五位下爲鎮守將軍兼爲下
野權介仁壽四年遷爲武藏權介三宗撫邊有方瞻略著聞病卒

民夷禡之時年五十九○巳巳授右近衛將監正六位上文室朝
臣道世從五位下拜陸奧鎮守將軍○庚辰右大臣從二位藤原
朝臣良房兼爲左近衛大將大納言從二位源朝臣信兼爲右近
衛大將權中納言從三位藤原朝臣良相爲大納言陸奧出羽按
察使如故參議正三位藤原朝臣長良爲權中納言左衛門督如
故參議從三位平朝臣高棟爲春宮大夫源朝臣融爲伊勢守右
衛門督如故從四位上源朝臣多爲參議備中守如故從三位高
枝王爲大藏卿越前權守如故從五位下藤原朝臣良繩爲春宮
亮侍從內藏助播磨介如故從四位上源朝臣冷爲右馬頭從五
位下橘朝臣三夏爲散位頭○丁丑散位從五位下名草宿祢豐
成卒豐成少學老莊長讀五經義理頗通學徒多屬天長七年爲
太宰博士兼和四年爲直講八年轉爲助教十二月叙外從五位
下十一年正月以其老耄遙授駿河介以充教授之資卒時年八

十三○九月丁亥无品明子内親王薨親王淳和太上天皇弟七女母右大臣正二位清原真人夏野之女春子也陰陽權允兼陰陽博士正六位上刀岐直川人上總少目從六位上刀岐直雄貞等賜姓滋岳朝臣○辛卯重陽節也帝御南殿賜宴侍臣命樂賦詩如常○壬辰遣使者向伊勢太神宮奉幣○壬寅地震○乙巳從三位藤原朝臣良相爲右近衛大將大納言如故從四位下藤原朝臣良仁爲大舍人頭中宮亮木工頭如故從四位下春澄朝臣善繩爲刑部大輔但馬守如故從五位下藤原朝臣廣基爲春宮大進從四位上源朝臣勤爲右近衛中將阿波守如故○辛亥陸奥國百姓復一年○冬十月壬子朔賜飲侍臣如常○庚申正五位下備前守藤原朝臣大津卒大津者贈左大臣從一位内磨呂弟九之子也大津身長短小而意氣難奪尤善步射頗超等輩年十八爲大舍人大允後出爲常陸大掾還爲右近衛將監天

長三年叙從五位下爲備後守頗有造譽民庶哥思九年爲大監物十年遷爲散位頭承和元年爲左馬助三年爲信濃守九年爲奧陸守留爲左衛門佐十一年爲伊豫守歲餘豐稔百姓交贍仁壽元年爲備前守十一月叙正五位下卒時年六十三○壬戌授正六位上藤原朝臣基經從五位下○丙寅藥正從五位上物部首廣泉賜姓朝臣○戊辰以山城国神足神列於官社○辛未召刑部大輔春澄朝臣善繩文章博士管原是善民部少輔大枝朝臣音人等於藏人所評重陽節文人所上詩○癸酉侍医外從五位下神直虎主散位正七位下神直木並大初位下神直已并等賜姓大神朝臣○甲戌公卿奏謝伊豆前守外從五位下百濟宿祢康保毆殺部下百姓數人康保罪當死詔減死一等處之遠流○十一月癸未從五位下藤原朝臣基經爲侍從紀朝臣有常爲右近衛少將讚岐介如故從五位上小野朝臣千株爲備前守從

五位下藤原朝臣三藤爲紀伊介陰陽頭如故○甲申地震○癸巳左近衛府獻生鯉魚詔放御池中○癸卯地震帝不御神嘉殿所司奉祭如常儀○甲辰帝御南殿賜宴群臣一如常儀○戊申從四位上清原真人有雄爲肥後守從五位上高階真人岑緒爲伊豫守從五位下藤原朝臣良繩爲播磨介左兵衛佐春宮亮如故○辛亥晦詔曰上替帝載下酌皇流莫不鍾灵賦以開元割神符以改号者近來石見國上禮泉味寫濁醪狀疑芳醴雖朕之不德讓而弗怡然天意若曰使非入賴之亦是宗社降灵俊人在官之攸致豈其爲身而有顯辭也有司宜擇吉日告宗社又改仁壽四年爲齊衡元年其瑞出地主羨濃郡大領檜前淡海麻呂叙正六位上賜物准例復郡內常年佺伊勢太神宮祢宜大物忌內人諸社祢宜祝及内外文武官把笏者賜爵一級但正六位上者授一子如無子者宜量賜物五位已上子孫年并已上者叙嘗蔭

之階天下老人百歲已上穀三斛九十已上二斛八十已上一斛欲使曠代楨符及万邦以共慶隨時德政逐五帝而齊衡○十二月甲寅遣使者向嵯峨以上陵告改元之由策文曰天皇恐羨恐羨掛畏支山陵尔申賜倍羨久維仁壽四年九月廿七日尔石見國禮泉瑞献祿圖書尔拋勘尔合利如此支希世留嘉波是薄德乃可感致支物尔非須掛畏支山陵乃慈賜比示賜倍物尔是爲天奈貴喜比受賜妖御世乃名乎改齊衡元年止爲留此狀乎申賜尔中納言正三位兼行左兵衛督源朝臣定從四位下安藝守清原真人籠雄等等差使天奉出須但理須波先川申賜天後尔施行倍物尔然乎有殊障天一二日之間延怠留事乎奈恐畏利御坐頃恐毛申賜以申是日木工頭正五位下石川朝臣長津頃死於寮中月次並神今食等神事令所司奉祭長津者中納言正三位兼宮内卿豐成之孫正四位上武藏守河主之子也弘仁十

年三月爲內舍人十二年二月爲右京大進十三年六月爲修理
大進閏九月爲民部大兼系十四年正月遷爲皇太后宮少進四月
叙從五位下五月爲大和介天長八年七月爲木工助九年正月
叙從五位上兼和十年三月爲加賀介嘉祥二年十月叙正五位
下仁壽二年二月爲木工頭卒時年七十長津性能工巧恪勤爲
宗故頻歷工官遂終於此先父所貯積文帙數十卷秘藏一舍不
曾他借不知死後灰滅何處○甲子詔諸國奉諸神幣告以賀瑞
之由○庚午兼作守正五位下藤原朝臣行道卒行道者參議從
三位楓麻呂之孫從五位上城主之長子也弘仁八年正月叙從
五位下爲民部少輔遷爲兼作介十三年正月爲近江介天長七
年爲兵部少輔兼和三年叙從五位上四年爲丹後守十二年二
月爲刑部大輔嘉祥三年正月叙正五位下仁壽三年七月爲兼
作守卒時年六十六行道累歷內外官職政迹善惡無聞無謂得

其中庸者也○巳庚午巳庚午禮佛懺悔○戊寅越中國高瀨神二上神等
祢宜祝並預把笏○庚辰左衛門少尉從六位上兼崔部朝臣春枝
散位正六位上林朝臣並人等改姓紀朝臣○辛巳武藏國貢長
人一枚以節駢儼

日本文德天皇實錄卷第六

149
合 20
9

